



ACADEMIARVM
QVÆ ALIQVANDO
FVERE ET HODIE

*sunt in Europa, Catalogus &
enumeratio brevis.*



LONDINI
Excudebant GEORGIUS BISHOP
& RADVLPHVS NEWBERIE.

An. Dom. 1590.



CLARISSIMO VIRO, SACRAE
MAIESTATI A MELIORIBVS CONSILIIS
D. CHRISTOPHORO HATTONO, Summo An-
glia Cancellario, Georgiani ordinis equiti aurato,
& florentissimæ Oxoniensis Academiae Archican-
cellario Honoratissimo S. P.



*Uita sunt diuina bonitatis argumen-
ta Nobiliss. Cancell. ampla sunt pra-
potentis Dei in Christianam Rem-
pub. benemerita. At si rectè memi-
nit Philosophus, bonum quò com-
munius, eò melius: est ad omnes
humana vita partes Academiarum
usus inprimis necessarius. Siue sur-
sum, siue deorsum spectemus, siue undiquaque oculos circum-
ferentes contemplemur, id luce clarius perspiciemus, & lite-
ras, & religionem, & ^{politici} quamuis optimam hinc inde ma-
nasse, & Respub. quascunque per orbem terrarum tum maxi-
mè floruisse, cum Academias maximo in pretio habuissent. Si-
ue mundum vniuersum pensitemus, seu Christianum hunc
nostrum Europaum primum & ultimum, & si de fide lo-
quimur, & rerum gestarum vera gloria: Hinc olim litera
palantes, & incertis sedibus vagantes, tum demùm emergere,
& altas agere radices incipiunt, ubi & hominum cætus in
vrbes cogerentur, & literatis in Academia, siue Stoa, siue
Lyceo, primò ^{σοφισ} deinde Philosophis, Poetis, & Rhetoribus, li-
terarum palma nobilis daretur. Hinc quæstiones, & curiosa ra-
tionum connexio Syllogistica, quia vincenti dabitur corona
Sophoclea. Hinc orta sunt Gymnasia, hinc Palestreae literarum
gloriosissimi, & veritatis indaganda in quauis facultate stu-
diosissimi, unde tot fructus uberrimi in labantes Respub. pro-
uenire, ut quæ nulla fuerant ad insignem nominis sui gloriam*

EPISTOLA DEDICATORIA.

erigebantur, & qua vacillantes & inclinata penè fuerant, re-
floreſcere cæperunt. Hinc Euripidi poeta gloria ducitur:

ὅν ποτα οὐ μῦθος Εὐριπίδης ἄλαιο πῶ :

nunquam tua memo-
ria Euripides peribit. Hinc Crotoniata Pythagoram (dum
viueret) præ omnibus venerati ſunt: poſt mortem verò do-
mum ipſius Cereris ſacrarium fecerunt. Alexander ille Ma-
cedonicus hinc ergo magnus, ubi Thebas fudiſſet, urbem diri-
piſſet, ſolòque aquaſſet, & 30000. ciuium venundediſſet,
præter 6000. caſos, unum tantum Poetam Lyricum Pynda-
rum, eiùſque familiam ſaluos eſſe voluit. Marcellus Syracu-
ſas expugnatus Archimedem Philoſophũ & Geometram, à ne-
fario milite occiſum, et ſi machinas tendentem, & contra mo-
lientem, vehementer deplorabat. M. Ciceroni filio glorioſum
fuit, patri verò iucundum, Athenis Cratippum audiuiſſe. Al-
phonſus Aragonia Rex, Caietam oppugnaturus, ſaxa & tor-
menta quibus vehementer eo tempore indigebat, ex viciniore
agro depromi iuſſit: ſed ubi villam Ciceronis fuiſſe intellige-
ret, malle ſe inquit tormentis nunquam uti, quàm eam villam
violare. Romani Pompeio nomen magni Imperatoris, unà cum
tribus ex trina orbis parte triumphis, ob præſtantes virtutes
decernunt, & ſtatua ei in Senatu erigunt: ubi Caſaris vita
cum gloria paulum inclinata, per amulationem cecidit. Quem
ſanè, magnum inquam Pompeium, omnium ſeculorum & gen-
tium principem (ut ſcribit Cicero Appio pulchro) rerum ma-
ieſtate ſublimem, niſi M. Tullius & T. Liuius in literas retu-
liſſent, quis tandem eiùſ gloriam loqueretur? Sed omnis me
deſiceret hora, ſi literarum præmia, palmas, & præconia enu-
merarem. Bene nobis ſucceſſit & Muſis, hinc literarum tro-
phæa, amphitheatra ſplendiſſima, Academiæ fuiſſe oriun-
das: quia honos virtutes & artes alit. Legimus apud veteres,
Synagogas, Hieroſolymitanam, Antiochenam, Alexandri-
nam, & alias plerâſque nobis Bibliothecas peperiffe, omni li-
brorum genere inſtructiſſimas, necnon ſcientiarum fontes ita
aperuiſſe,

EPISTOLA DEDICATORIA.

aperuisse, ut inde ad posteros religio, virtus, omnisque literatura deriuetur copiosissime. Perinde ut apud Ciceronem pulcherrime docet Atticus: Mihi quidem multa eximia diuinæque videntur Athenæ peperisse; quum tamen cælestem illam, augustam, sacrosanctam diuinitatem, & ^{διολογίαν} nostram, quæ sola ex Hebræorum, Aegyptiorumque mysterijs, & expresso Dei verbo deprompta est, penitus ignorares. Mitto quod alij scribunt authores: Quod pupilla est in oculo, & in animo ratio, hoc Athenæ erant in Græcia, inquit Philo. Reclamabant ergo qui Athenas vicerant ne diruerentur, quia alterum nollent ex Græcia oculis erui. Alijs Græcia ^{μυστήριον} vocabatur, quod ea urbs tantò literis facilius esset (ut oraculo erat promissum) quando reliquas aues Aquila præcelleret. Thucydides ^{ἐν ἀδελφείᾳ} Græcia Græciam, Pythias Vestam Græcorum appellare solebant. Nicephorus Gregoras ^{ἀθηναίσιαν} vocat. Inde ad Romanos translaturum Athenæum, quasi doctrinarum omnium studium florentissimum, quod postmodum sapientia Collegium dictitarunt: ubi Seuerus audiendo, Gordianus Casar declamando, Claudius Imperator scribendo, immortalē gloriam consecuti sunt. Inde ad Brutannos Athenarum amula deriuata Oxonia, vetus & noua, sic bonas artes excoluit, ut non immeritò proditum sit, Græcorum Philosophos, vel fato suo ductos, lociue amœnitate pellectos, sic Musas ipsas ad aquas Isidis, quasi ad fontes Castaleos consedissee. Inde tanquam ex fonte lymphidissimo & viuo, dimanauit peruagata illa & celebris de Lutetia Parisiorum, & Oxoniensi Academia commendatio: orta sunt (ut aiunt) hæreses perniciose, pleraque tam subtiles & occulta, ut nisi Oxonienses acutissimi Anglorum Theologi, & Parisiensium Sorbonista, lynceis oculis perspexissent, magnisque sigillis condemnassent, vix aliquis posset precauere. Quæ cum ita sint, multum sumus deuincti bonis Principibus, Regibus, Imperatoribus, Pontificibus, & Honori tuo amplissimo, quorum beneficentia literarj cætus etiam nunc

EPISTOLA DEDICATORIA.

hodie conseruantur, amplissimisq[ue] redditibus & priuilegijs
muniuntur. Pergite igitur quaeso (vt occepistis) viri omni
honore dignissimi, Athenas nostras fouere, rem literariam
promouere, Academicis consulere, indulgere, priuilegia muni-
re, Euangelium propagare, Christi fidem ritè instituendam
curare. At ne delitecant sub vmbra litera, prodeat tandem
bona cum venia, viri longè honoratissimi, Academicarum sum-
maria collectio: vt ornamenta hac Reipub. simul conspicientes,
incredibilem hanc Dei bonitatem faciliùs agnoscamus,
& ornet quisque Spartam suam, vt triumphent li-
tera, & Academia quæuis celeberrima: si
prius tamen pauca de Academia sue-
rimus præfati, Honori tuo semper
precantes incrementum,
amplitudinem, &
gratiam.

Oxon. 15. Maij. 1590.

Honoris tui obseruantis-
simus, M. W.



ACADEMIA.

ACADEMIA.



Cademiae quæ hodie vniuersitates appellantur, olim Synagogæ dicebantur: vt fuerant illæ Hierosolymitana, Antiochena, Ephesina, Dabritensis apud Phœnices omnium prima. Academias semper in vrbe aliqua celebriori, vt Hierosolymis, Athenis, Romæ, aut Constantinopoli statuebant. Metuebant enim veteres, ne sacrosanctæ leges obscurioribus in locis, propter doctorum penuriam, turpis lucri gratia ab imperitis corrumperebuntur. Quæ fuit olim Athenis Academia, Ecademia primùm denominata erat, ab Ecademo, qui scholam primus umbriferam in loco nemoroso inter sylvas instituit, vnde Horatius:

Scilicet vt possem curuo dinoscere rectum:

Atque inter Sylvas Ecademi querere verum.

Tandem per vnius literæ mutationem, Academia appellari cœpit, ter mille drachmis emptus agellus. Ex qua vt omnes ferè præstantissimi Oratores, optimi Philosophi, & celeberrimi Poetæ prodierunt, sic eius nomen apud gratam posteritatem præ cæteris in vsu permansit.

Pausanias Atticis: *Extra urbem proximè Heroum virorumq; fortium sepulchra, est Academia, priuatâ olim hominis ager, nunc Gymnasium.*

A. Laertius Platone: *Reuersus Athenas Plato commorabatur in Academia.* Est autem hoc Gymnasium suburbanum, nemorosum, à quodam heroe cui nomen fuit Academo dictum: quemadmodum in Astratentis dicit Eupolis,

in Ambulacris Academi umbrosis Dei.

Huc forent referenda (si singula persequeremur) nomina diuersa à diuersis authoribus repetenda: vt sunt Academia cui præficebatur Minerva, Lyceū cui Apollo, Cynosarges cui Herculem tutelarem adhibebant Deum, Athenæum, Apollonium, Stoa, Heracleum: similiter apud Ciceronem Arpinas, Tusculana, inter Auernum & Puteolos tertia, & alia plerāque aliò referenda, quia nobis tantum in animo est Academias Europę celebriores, earumque authores simul & tempora quibus instituebantur nominatim recensere.

Athena, quondam nobilissimæ, Græciæ lux & anima, imò Græcia ipsa animata, Academiarū parens & mater, iure suo optimo stationem hinc primam, imò theatrum & triumphum splendidissimum vendicaret, nisi (veh malum grauissimū) orbis Europæi & Græciæ lumen clarissimū, temporum iniuria intercidisset, & barbara immanitate extinctū iaceret. Sed ecce, Deus omnipotens, diuinæ bonitatis claritate Brutannos suos illuminans, Athenas nobis plures restituit, quas ordine suo Alphabetico deinceps ponemus, si diuinæ gratiæ lumen, quando Britanniam hanc nostram illustrarit, primò docuerimus.

Præter ea quæ docent sacre literæ siue Mosaicæ seu Euangelicæ, Iaphetum insulas primū occupantem voluntatem Patris diuini ad Oceanum & insulas vsque extendisse; testantur historiæ Ecclesiasticæ & profanæ, Apostolos Paulum, Andræam, Philippum, seu Iosephum Arimathensem, aut quemuis alium Christi nuncium, sub Aruirago, Lucio, aut Ethelberto regibus in littore Brutannico hæsisse, fidem Insulis annunciasse,

ciasse, quarum est Brutannia, seu orbis Christiani totiusue Europæ maxima, Angliæ regnum, seu ³²⁶⁰ foelix, deinceps Brutannia & insulæ Prutannicę (vt augurantur homines literati & bene sapientes) fidem Christianam, omni auro & mercibus longè petitis antefereendam, ab initio amplexum est: anno verbi incarnati 63. Postea verò, Salutis & Gratia 180. regnante Lucio rege, clariorem Euangelij lucem gratissimè accepit, vti nam ne respuat aliquando. Erat hic annus à Bruto applicante in littore Brutannico 2076. Annus sursum ab orbe condito 4142.

ACADEMIARVM
QVAE ALIQVANDO FV-
ERE ET HODIE SVNT IN EVRO-
pa, Catalogus & enumeratio brevis.

Brutannia Maioris pars Septentrionalis, Scotia regnum, Christi religionem sub Imperatore Seuero, & Victore Pontifice Romano accepit, anno Christi 203.

Academiae sunt 3.



Berdonensis Aberdeen: portum habet ad ^{Scot. 1.} littus maris Germanici optimum: olim Scotorum Regia fuit. Hanc Alexander Rex dicitur instituisse, multisque ornasse priuilegijs, circiter annum Domini 1204

Willielmus Elphinstonius Aberdoniæ Episcopus multum auxit, & (vt quibusdam placet) instituit, anno 1480. Ioannes Adam primus hic Theologiae laurum ^{Theol.} accepit. Est hic Regis de literis bene merentis argumentum Collegium Regium. Eius longitudo 19. 146. latitudo 64. 15. distantia 364.

S. Andreae S. Andrewes. Hæc celeberrima & pri- ^{Scot. 2.}

B. 1.

ma

Ius ciuile &
Canon.

ma est huius regni Academia, inaugurata anno Domini 1411. quum Iacobus Rex in Anglia detineretur, conuenientibus eò Laurentio Londoris legū professo-
re, & Richardo Cornuello Decretorum doctore. Est hic prima & Archiepiscopalis sedes Scotiae. Eius longitu-
do 18.26. latitudo 61.3. distantia 325.

Veram Christi religionem in Galliam intulerunt Apostoli, praesertim Paulus & Philippus. Lucam etiam Euangelistam in Gallia docuisse, author est Epiphanius Andegauensis. Hanc Apostolorum discipuli Crescens, Martialis, Dionysius Areopagita, praeterea Eleutherius, Aphrodisus, Rusticus diligentissime propagarunt. Ipsum verò Galliae regnum ad fidem Christi conuersum est sub Clodoueo Francorum Rege quinto, qui ab uxore sua Clotilde Regis Burgundici filia ad fidem Christianam est inductus anno Domini 490. A.S. Remigio sacri fontis lauacrum accepit anno verbi incarnati 504. post victos Alemanos.

Academiae sunt 17.

Gal. 1.

ANdegauensis, *Angiers*, in comitatu Andegauiae, instituta à Ludouico 2. Andegauensium duce, eodem ferè tempore quo Rupertus Palatinus Heilbergensem Academiam in Germania fundabat 1210. aut 1346. Henricus Valesius Andegauensium dux, Caroli 9. Gallorum Regis frater, eam superiori anno instaurauit. Ad quod diuinum opus, praeter reliquos maximarum artium doctrina insignes viros, Franciscum Balduinum magnis premijs euocauit, vt iuris studium attolleret. Monumentum Ludouici 2. Fundatoris hic visitur. Long. 13.49. lat. 46.0. dist. 408.

Iurisp.

Gal. 2.

Auinionensis, *Auignon*, in Gallia Narbonensi ad Flu. Rhodani. Huc Iohannes 22. Pon. Rom. Curiam Pontificiam Roma transtulit, quae annos 60. ibi mansit.

Erat

Erat tum florentiss. Academia, magnis priuilegijs ornata, anno domini 1360. alijs 1316. Andreas Alceatus sexcentorum aureorum stipendio conductus hic docuit. Hic etiam floruit Paulus Castrensis Iurisconsultus, ^{Ius ciuile.} ut eius commentaria in Ius ciuile quæ prælectiones Auinionicæ vocantur declarant. Long. 22. lat. 45. 52. dist. 665.

Aurelianensis, ~~Orleanse~~, ad Ligerim Flu. in ducatu ^{Gal 3.} Turonensi. Hanc dicitur construxisse Aurelianus, an. domini 1276. Alijs videtur à Philippo pulchro Gal. erecta anno dom. 1312. Hanc ad Iurisprudentiam or- ^{Iurisp.} nandam erectam Reges Gal. multis ornabant priuilegijs. Eadem ferè habet priuilegia quæ Tolosana, ut indicat Baldus. Long. 15. 36. lat. 47. 13. dist. 332.

Germania olim duplex, una ultra Rhenum & Danubiū Christi cognitione haud longè post Apostolorum tempora erat imbuta, altera cis Rhenum & Danubium, per temporum interualla ad fidem est conuersa, præsertim verò circiter annum domini 730. inexhaustis laboribus S. Winefridi natione Angli, aliàs Bonifacij, qui Euangelium ibi per 36. annos absque intermissione annunciabat.

Academiæ sunt 23.

Argentinensis aliàs Argentoratensis, Germanicis ^{Germ. 1.} nostris Strasburg, in Alsatia, quam urbem putant nonnulli iactam à Ierone: à S. Materno Petri Apost. discipulo euangelium accepisse scribitur, sed non diu perstitit. Huius iam Reçtor est Iohannes Sturm vir multæ literaturæ & paucis secundus. Long. 24. 30. lat. 48. 5. dist. 535.

Basiliensis, ~~Basill.~~ Hanc Pius 2. Pon. (qui ex consi- ^{Germ. 2.} lio Basiliensi electus est in Pontificem) videtur erexisse 2. sui Pontificatus anno 1459. ut constat ex hijs verbis.

Vniuersitatis
institutio.

Postquam ad summi Pontificatus apicem prouecti sumus, desiderantes ciuitatem predictam, ac illi adiacentem patriam, diuini muneris largitate concessa, inextinguibili sapientia lumine illustrari, easque sanis peritorum consilijs & maturitate fulciri, generale studium & in eadem ciuitate statuimus & ordinauimus inchoandum, & tam in sacra pagina, & utroque iure, quam alia quauis licita facultate perpetuis temporibus vigere. Datum Mantua anno Dominica incarnationis 1459. pridie Calendarum Ianuarij, Pontificatus nostri 2. Eisdem honorauit priuilegijs quibus Bononiensis, Coloniensis, Viennensis, cæteræque in Germania vniuersitates exornatæ sunt. Instaurata fuit hæc Academia anno 1489. & anno 1490. Primus huius Academiae celeberrimæ Rector fuit Georgius de Andelau. longitudo 24.22. latitudo 47.41. distantia 567.

Britannia modò Anglia, vulgò **England**, ut priori pagina luculentius demonstratum est, inter primas & præcipuas orbis partes & incolas à Iapheto post diluuium, & religionem Christi ab Apostolis accepit anno Domini 63. Postea verò ut Euangelij virtus magna est & lux clarissima, Paganorum tenebras plusquam Cymerias dispulit, & Britannis nostris affulsit sub Lucio Rege anno Domini 180. Anglis deinde illuxit sub Ethelberto Estanglorum Rege anno 598. venientibus à Gregorio 1. Pont. Rom. Augustino, Melito, Iohanne, & alijs.

Brit.I.

BAnochorensis pro ordine litteræ primò occurrit, Anglis vulgò **Banghor**, in comitatu Britannico Caeraruo, Anglis **Carnaruonshire**: vrbs more antiquissimarum Academiarum ad fl. Deuam posita, Anglis **The riuer of Dee**. eo seculo insignis & Academia celebris, quam Lucius Rex erexisse dicitur. Numerus erat

erat amplius 2000. studiosorum. At propter Pelagianam hæresim relicta est desolata. Hanc Congillus Banochorensis in coenobium Monachorum mutauit, quum 350. annis stetisset. Interciderunt & aliæ temporum decursu pro fato suo, vt Græcoladiensis, Latinoladiensis, Legionensis, Carlionensis, Stanfordiensis, & si quæ plures. Florent tamen inter primas & antiquiores Europæ Academies, Oxonia vetus & noua florentissima, & ratione simili Cantabrigia.

Italia ab Apostolis ipsis sincero Christi dogmate erat informata.

Academix sunt 16.

Bergomum oppidum ad Padum Fl. inexpugnabile Ital. 1.
multis circumdatum arcibus. Academia hæc omni disciplinarum genere excelluit. Est hic Bibliotheca ornatissima, quæ cum præcipuis totius Europæ Bibliothecis meritò debeat connumerari. Long. 32. 0. lat. 45. 0.

Biturigensis vulgò **Bourges** in Francia, à duce Gal. 4.
quodam qui Biturigibus imperabat erecta, à Paulo 2. Pon. confirmata, & bonis multis à clarissimis viris ita exulta, vt iam literarum decus & doctissimorum virorum Emporium meritò dici possit, vt scribit Sebastianus Munsterus, lib. Cosmogr. long. 18. lat. 45. 30. dist. 434.

Bononiensis olim Bolonia, vulgò *Bologna la grassa* Ital. 2.
in Rhomandiola, quam erexit Theodosius Imperator circiter annum 447. vt scribit Volateranus. Sed temporis progressu ferè dirutam restaurauit Carolus magnus circiter annum 806. Carolus 5. Imperator diademate Imperiali ibidem redimitus, ne quid deesset gloriæ eius, multis eam ornauit priuilegijs, long. 32. 5.

B. 3.

lat.

lat. 43. 54. dist. 962.

Gals.

Studium ge-
nerale.

Angl. 2.

Burdegalis Burdeaur, ad Garumnæ Fl. ostium in ducatu Auerniæ & Aquitaniæ, Gymnasium Aquitanicum per excellentiam vocatur, quod in nulla alia Aquitaniæ Academia omne Artium genus publicè tradatur. Sunt hîc ædificia maximo sumptu constructa, & antiquitate conspicua. long. 18. lat. 45. 30. dist. 492.

Cantabrigiensis, Anglis Cambridge. sacrum Musarum asylum, & literis optimis referta Academia: à Sigeberto (vt perhibent) Estanglorum Rege instituta, anno domini 637. Ibi visuntur egregia Principum, Heroum, Pontificum, Procerum, & nobiliû Fœminarum nostrarum, monumenta literaria, Collegia 11. Aulæ 4. Scientijs publicè legendis Scholæ plures elegantes & accommodatæ. Est & sacris destinata Capella Regia, structura nobilis & conspicua, per orbem terrarû multum celebris. Multa sunt naturæ antiquioris, Artis, & virtutis documenta. Inde prodierunt viri doctissimi plerique, quorum nomina in posterum corrente fato & tempore forsan recensēbimus. At libens optarim ne digladiantur nimis & nœnias mittant, qui hanc aut illam contendunt esse antiquiorem. Sint Archades ambæ, utræque florentes, lucem Sole clariorem sibi inuicem alternantes. Sin libet dissentire, fateor cum Cicerone, vt sint opinionum dissensiones absque animorum acerbitate: & disceptatio fiat Gymnastica, dum veterû monumenta eruant ab Antiquariis altiùs recondita. Desinant interim mordere, conuiciari, aut contumelias iacere: canant potiùs poeticè aut musicè, vt poeta quidam nostras hijs versibus:

*Sunt Musæa duo Regni decora alta Britanni,
Vtræq. Castalias consita propter aquas.*

Ponte,

Ponte, vado transire licet : de ponte vadoque

Nempe locus nomen cepit uterque suum.

Qui properant illuc (cum ponte feruntur ab undis)

Accessus faciles ne vereantur habent.

At transire vadum, magni res plena periculi est,

Ne pede vi fluctus deficiente cadant.

Hoc tamen intererit, si te sitis urget aquarum,

Causa fuit tanta qua tibi sola via:

Has procul excelso tantum de ponte videbis,

Potabis medio quam potes usque vado.

Præfidet hic nobilis certè senex, ævo grandis, & cō-
filio maturus, sacrae Maieftati ab intimis consilijs, au-
reæ periscelidis eques, D. Guilielmus Burleius, sum-
mus Angliæ Thesaurarius, non mediocre Reipub. co-
lumen & decus.

Meridianus qui Cantabrigiæ vertici imminet par-
tibus 23. scrupulis 25. ab ultimo occidente distat. Ar-
cus verò eiusdem Meridiani inter æquatorem & verti-
calem punctum interiectus gradibus 52. scrupulis 11.
commensuratur. Hæc est illa Academia antiqua, & ce-
lebris, quæ non modò Oxoniensi florentissimo Anglo-
rum Gymnasio, sed & alijs Europæi Orbis Academijs
antiquioribus facile posset adæquari.

Est certè tanto foelicior, quòd Augustissimam Prin-
cipem, præpotentem Europæ virginem & dominam,
non sine stupore & admiratione Academicorū omni-
um audierit loquentem in hæc verba. *Etsi fæminilis iste
meus pudor (subditi fidelissimi & Academia charissimi) in
tanta doctōrum turba illaboratum hunc sermonem &c.* Quæ
superfunt aliò sunt referenda, quia ineffabilis est su-
pra quam dici possit Principis huius Maieftas & gloria.

Cadomensẽ in Normaniã Henricus quintus An- Gal. 6.
gliæ Rex crexit, an. domini 1418. Quum enim contra
Carolũ

Carolum sextum Franciæ Regem triumphasset, & Normaniam ab eo extorfisset, in partibus illis hanc instituit Academiam. Cui Michael Trigonius seu Tryguri, Cornubia oriundus, Oxonij educatus, vir omni literarum genere instructissimus ac grauitate eximius, præficiebatur ab Henrico quinto. Mortuus est Dublinensis Archiepiscopus anno Domini 1471. vbi annos amplius 80. grauitè & sobriè transegisset in tribus regionibus, Brutannia, Normania & Hybernica.

Siciliam olim Italia fuisse partem & Cicero actione 4. in Verrem, & hoc à Marcello Pratore Rom. extructum Catanense Gymnasium testantur. Iisdem ferè usa est authoribus, eodemque penè tempore, quo Italia bonas literas & morum præcepta accepit: verbum Dei Patris & literas à Ianigeni acceperunt. D. Petrus veram Christi cognitionem Siculis ostendit. Bartholomæus Apostolus, & Pancratius Petri discipulus promouerunt.

Sicil. i.

CAtanense in Sicilia Gymnasium, Marcellus Prætor Romanus, post captas Syracusas pulcherrimum extruxit. Quod etsi per temporis rerum edacis iniuriam erat collapsum, hodie tamen (vt scribit Marius) in omni liberalium artium genere frequentissimum est.

Polonia regnum ad fidem Christi conuersum est sub Miesko aliàs Mieczlao Rege 14. Polonia, qui vt filiam Ducis Bohemici desponsaret, Christo initiatus est anno Domini 975.

Academix 4.

Pol. i.

CAturcensis quæ tum dicitur floruisse egregiè, optimisque ornatam fuisse privilegijs, quando Rebuscus illic profitebatur.

Hispania primò in duas prouincias, deinde in Regna 12. partitur:

tur: quorum alia citius, alia serius ad Christi fidem sunt conuersa.

Academię 17.

CAesaraugustana siue Saragossa in regno Aragonię. Hisp. 1.
Est hæc primaria ciuitas vbi reges Aragonię coronantur. Multa de Hispaniarum Academijs non sunt dicenda, quia multum queruntur scriptores, vt Ludouicus Viues, & Naclerus, quod tenuis supersit priscorum temporum notitia, longitudo 14. 15. lat. 41. 45.

Coloniensis in Germania, vulgò **Colen**: ad Rhenum fl. instituta, ab Vrbanō sexto Rom. Pon. anno Domini 1388, omniartium ac linguarum genere florentissima. Libertates & priuilegia ab eodem Vrbanō concessa fuere, quę habuit priora Lutetia Parisiorum Germ. 3.
Colonię mater. Reperiuntur hīc plures quàm 100. scholę Studium generale.
priuatę, vbi pueri Latinę, Gręcę, Germanicę, & Gallicę linguę rudimenta, literarumque characteres discunt, erudiunturque. Maternus D. Petri discipulus, vera religione eam imbuīt. Floruerunt hīc Rupertus Tuitiensis, Albertus magnus, Thomas Aquinas, Iohannes Scotus. Est hīc multa clementia coeli, terręque pluribus referta commodis. long. 23. 28. lat. 51. dist. 422. Scholę 100. priuatę.

Complutensis vulgò **Alcala**, in regno Castilię: à Francisco Ximene Archiepiscopo Toletano instituta, anno Domini 1317. Hęc nomen à complectendo linguas & bonas artes, authore Erasmo, auspicata est. *Gratulor (inquit) Compluto* (ad Franciscum Vergarum Gręcarum literarum professorem scribens) *quod duorum presulum, Francisci, & Alphonsi felicibus auspicijs sic efflorescit omni genere studiorum, vt iure optimo* Hispan. 2.
πένταστον *appellatur.* long. 10. 20. lat. 41. 40. dist. 664. Studium generale.

Compostellana in Regno Gallicię, vulgò **Compostella**, hodie certè perobscura. Est hīc Episcopatus & Hispan. 3.
C. 1. **Colle-**

Hisp.4.

Collegium à Carolo Magno institutum. long. 7. 15. lat. 44. 30. Colimbricensis seu Conimbriensis in Lusitania vulgò Coymbre: propè littus Oceani occidentalis à Iohan. 2. rege Portugaliæ extructa, de qua Iacobus Payua Andradius ad Sebastianū regem sic loquitur. *Conimbricensis & loci natura amœnissima, & omni literarum genere clarissima est Academia.* Longit. 11. 48.

Pol.2.

lat. 40. 3. dist. 780. Cracouiensis, Cracouia seu potius Grachouiēsis, vulgò *Bracaw* in Polonia, Hanc à Gracco conditam ferunt ciuitatem. Regia est Polonia, & à Rudy fl. circūgyratur. Hanc primò inchoauit Cazimirus rex, anno 1361. Sed anno 1400. vocatis ex Pragenfi Academia clarissimis professoribus, quum hætenus obscura fuisset, instaurabatur. Hedingis enim Regina moriens, ingētem pecuniam reliquit, qua Cracouiensis Academia à Cazimiro coepta perficeretur. Duo igitur celeberrima Collegia exiruxerunt, in quorū altero Theologi & Philosophi, in altero iurisperiti & medici profiterentur. Hic Petrus Roirius Lituanicarum decisionum scriptor celeberrimus, Iurisprudentiam se docuisse profitetur. long. 37. 50. lat. 21. dist. 951.

2. Collegia.

1. Theologia.
Philosoph.
2. Ius ciuile.
Medicina.

Germ.4.

Dilingana, vulgò *Dillinghe*, in Bauaria superiori. Hanc Otto Truchses Cardinalis Augustanus Germaniæ protector, pro suo singulari erga religionem & bonas artes amore, maximis sumptibus erexit: vt in ea sacra Theologia & literæ humanitatis traderentur. Nihilque optimus princeps prætermisit, quod ad rei literariæ instaurationem, & ipsius Academię splendorem, bonorūque studiorum (quæ tantopere necessaria animaduertebat) promotionem pertinere videbatur.

Theol.

Literę humanę.

Gal.7.

Dolana vulgò *Doll*, in Burgundia: vetus quidē est, sed circa annū Domini 1484. florere cœpit. Ibi pro toto comitatu celebratur Parliamentum. Ad hanc complures ex Gallia confluunt studendi causa: superiori-

bus annis frequentes huc migrarunt ex alijs Academi-
is, tam doctores quàm discipuli. long. 21.25. lat. 45.10.
dist. 579. Duacensis in Belgio, vulgò **Dowa** superi- Germ. 5.
oribus annis à Philippo 2. instituta, vbi omne artium &
linguarũ genus doctissimi viri docerent: Gallicę quo-
que linguę studiosi, non minorem discendę quàm in Studium ge-
nerale.
ipsa Gallia haberent occasionem. Eam etsi Rex satis li-
beraliter dotarat, optimorum tamen hominum funda-
tiones accesserunt, vt nihil quod ad florentissimi Gym-
nasij gloriam pertinet, in eo nunc desideretur. Abba-
tes duo collegia exædificarunt: quorum alterum Mer-
chense, alterum Aquæcinctense vocatur, ijs de societa-
te Iesu dicata. long. 24.30. lat. 50.20. Eburensis siue His. 5.
Eburacensis in Lusitania, nuper ab Henrico Cardinale
Lusitanię eiusdẽque ciuitatis præsule constructa. de
qua Iacobus Payua sic scribit: *Quod si Academiarum (in-
quit) gloria magis literarũ & virtutum splendore quàm an-
tiquitate constat, hæc certè paulò ante cõstituta, cum antiquis-
simis & toto orbe celeberrimis iure poterit certare.* long. 6.
15. lat. 38.0. Germ. 6.

Erphordiensis, vulgò **Erfford**, antiquitus **Erphes-
purt**, in Thuringiæ prouincia: à Dagoberto Francor.
rege circa an. 1391. fundata, & à Bonif. 9. & Pio 2. varijs
priuilegijs honorata. Hanc diuersis temporibus viri
doctissimi, vt Hen. de Erphordia, Conradus de monte
puellarum, Nicolaus de Bibera, & alij multum illustra-
rũt. Maxima Germaniæ vrbs est. long. 28.30. lat. 51.54.
dist. 822. Elmstadiana, vulgò **Elmestad**, in ducatu Germ. 7.
Brunswicensi, quam ante 14. annos Iulius Dux Brunf-
wicensis fundauit, à quo etiam Iuliana dicitur. Ferra- Ital. 3.
riensis, Ferraria, in Rhomandiola seu Gallia togata. Sũt
qui Fredericum Imp. hanc Academiam in odiũ Bõno-
niẽsiũ instituisse putāt. Raphael verò Volateranus, Bar-
tholomæus inquit Salicetus, an. 1316. ab Alber. Ferra-
ria

riæ Principe accersitus est, vti nouam in ea ciuitate Scholam auspicaretur. Quam à Bonifacio 8. confirmatam, illustrissimi Estenses pro egregia sua in bonas artes literatósq; voluntate, mirificè exornarunt. Hic floruit Angelus Aretinus celeberrimus Iurisconsultus, Felinus Sammeus, Andreas Alceatus, Guarinus Veronensis, Theodorus Gaza, Cælius Calcaguinus, Nicholas Leonicens Petri Bembi præceptor. Germanos etiam erudiuit, qui omne doctrinarum genus cum gloria in patriam referrent charissimam. Inter quos nō postremum locum obtinet Rodolphus Agricola Philosophus, Rhetor, Poeta & Theologus celeberrimus. Iohannes etiam Coclæus Sacræ Theologiæ doctor. Leander Albertus sic paulatim auctam Academiam ornatamq; scribit, vt vel inter præcipuas Italiæ meritò referri queat. long. 32. 15. lat. 44. 23. dist. 951.

Ital. 4.

Florentina in Hetruria seu Tuscia, vulgò Florence: flos vrbium Italicarum. Hanc vnam ex 12. Ianigenarum vetustissimis colonijs, quæ primo bonas artes in Italiam introduxerūt, eruditi scriptores affirmant. Clarissimus princeps Cosmus Medices pater patriæ dictus, ex media Græcia doctos viros magnis præmijs euocauit, qui studia literarum vendicarent. Huc Germani suos solent pueros ablegare, vbi acumen & humanitas ciuium plurimū conducunt. Fuit hic olim Bibliotheca omnium celeberrima. long. 33. 30. lat. 43. 4. dist. 1060.

Germ. 8.

Francfordiensis, vulgò Frankford, in Marchia Brädeburgensi ad Visurgin Flu. constructa ab illustriss. Principe electore Ioachimo ex Lipsensi anno 1506. alteri 1206. ab Alexandro 6. Pont. & Iulio 2. & Maximiliano 1. Imp. varijs priuilegijs ornata. Primus Cancellarius fuisse putatur Theodorus de Bulan Lebusensis

fis

sis episcopus. Rector Conradus Winpina Theologus.
long. 32. 34. lat. 52. 33. dist. 588.

Friburgensis, vulgò **Friburg**, in Brisgoia Rhetia ab Germ. 9.
Austriaco erecta, anno 1460. vel ut alijs videtur 1450.
Quæ anno 1467. non solum leges & statuta, verumeti-
am Theologiæ & Iuris Canonici, atque ingenuarum
artium professores Vienna euocauit. Tandem sub Fre-
derico Imp. Rom. anno 1472. non parum instaurata &
aucta est. Floruit hic Vdalricus Zasius Iurisconsultus.
long. 34. 38. lat. 48. 13. dist. 565.

Gandiana in Regno Valentiniæ, quam illustrissimus Hisp. 6.
Gandiæ dux nuper erexit.

Glasconiensis, vulgò **Glasquo**, in Scotia, seu Glas- Scot. 3.
quensis, à Turubullo Episcopo instituta anno domini
1454. Hanc parum dotatam, parumque celebrem scri-
bit Iohannes Maior. long. 16. 43. lat. 59. 40. dist. 285.

Granatensis, vulgò **Granado** Ptolomæo Ilberis in Hisp. 7.
Hispania Betica, instituta ante paucos annos, circiter
annum domini 1554. Ad quam stabiliendam, pluri-
mum iuuit dominus Petrus Guerrerius, eius vrbs Ar-
chiepiscopus. long. 8. 34. lat. 39. 50. dist. 902.

Griswaldensis seu Gripswaldensis, vulgò **Gripf-** Germ. 10.
wald, in ducatu Pomeraniæ, ab Vratislao 9. Pomer-
niæ duce instituta, anno domini 1456, aut 1457. ut scri-
bit Bentherrus in Ephemeridum historia: licet quidam
eius institutionem, non tam ipsius Principis, quam cu-
iusdam doctoris & proconsulis liberalitati ascribere
videatur. Hanc Philippus Pomeranorum dux instaura-
uit, anno dom. 1547. long. 31. 56. lat. 54. 18. dist. 722.

*Dania Regnum in fide Christiana, una cum Sueuia institu-
tum, tempore Christiæ Regis & Eugenij 2. Pon. Max. ut
scribit Saxo Grammaticus.*

Academia 1.

C 3

Hafniensis

Dania 1.

Hafniensis seu Hafniensis, vulgò **Coppenhagen**, à Friderico 3. Danorum Rege instituta, anno domini 1539. deinde à Christiano electo Rege instaurata, de qua fortè loquitur Iouius, quando Colenam omnium disciplinarum Gymnasio insignem esse ait. Ornatur ciuitas hæc arce Regia. Scribit alius Hunoldum hanc instituisse Academiam, anno domini 1540. long. 35.29. lat. 56.30. dist. 853.

Gymnasium generale.

Germ. II.

Heidelbergensis in comitatu Palatino Rheni, vulgò **Heidelberg**, instituta à Ruperto 2. Palatino Rheni, anno domini 1346. alij 1210. Munsterus lib. 3. hæc habet verba. *Rupertus senior dux Bauaria, princeps Palatinus Rheni, anno Christi 1346. fundauit Gymnasium Heidelbergense, ubi temporum successu in omni scientiarum genere floruerunt docti. Ego quoq. an. 1524. vsque ad annum 1529. primus Hebraismi Professor, publicè ibi sacram linguam docui, &c.* Urbanus 6. instar Parisiorum confirmauit. Floruit hic Marcilius. Rodolphus Agricola de literis hic bene meritis reconditur: vt ex Epitaphio constat ab Hermolao Barbaro conscripto: Conradus Pellicanus & Rodolphus Agricola Ruperti alumni.

Gymnasium generale.

*Inuida clauferunt hoc marmore fata Rodolphum
Agricolam, Frisij spemque decusque soli.*

*Scilicet hoc vno meruit Germania, quicquid
Laudis habet Latium, Gracia quicquid habet.*

Long. 25.38. lat. 49.45. dist. 444. Marcilius de Ingen, quem Angli suum prædicant, in diuinis Scripturis exercitissimus, & in seculari Philosophia nobilissimè doctus, primus Heidelbergensis Gymnasij Plan-
tator.

Hisp. 8.

Hispalis siue Ciuilia, vetus est vniuersitas & vrbs opulenta,

pulenta, vt testantur Naucerus, Volateranus & Platina. Hinc Auicenna Medicus & Philosophus, & Leander, qui sua eruditione & industria Hermegildum, & Richardum Gotthorum Reges, ab Arriana hæresi ad Catholicam religionem reduxit. Hinc Isidorus Hispalensis Episcopus. Est hic etiam Bibliotheca bene ornata. long. 7.15. lat. 37.0.

Ilerdensis vulgò *Lerida*, Ptolomæo Ilerda, in Hispania Tarraconensi, seu regno Arragoniæ, celebris quidem & vetus est, cuius meminit Flaccus hoc versu.

Hisp. 9.

Aut fugies Vticam aut vnctus mitteris Ilerdam.

Iul. lib. 1. de bello ciuili Ilerdam appellat. Hic Calixtus Pont. 3. vtriusque iuris doctor creatus est & publicè legit. Hic Vincentius sacre Theologiæ magisterium accepit. Petrus Roirius Lituanicarum decisionum scriptor, Ilerdæ Iurisprudentiæ operam dedit, vt decisione tertia fatetur. longitudo 56. latitudo 41. 46 dist. 722.

Ius vtrumque.
Theologia.

Ingolstadiensis, vulgò *Ingelstad*, in ducatu Bauaria. Hanc ex Viennensi Academia ortam Annales Viennenses testantur, anno domini 1410. alius annotauit annum 1210. Ludouicus dux, anno 1459. egregia ei priuilegia à Pio 2. impetrauit, & maximis honoribus atque præmijs viros doctissimos huc ex celeberrimis Gymnasijs euocauit. longitudo 29. 6. lat. 48. 42. dist. 698.

Germ. 12.

Lipsensis in Misnia, alias *Lipzvig*: Ostia vulgò *Ostland*. Hæc orta est ex Pragensi, anno domini 1408. Hanc inclinatam & penè collapsam, Georgius illustrissimus dux Saxoniae, anno 1408. restituit. Quod optimo Principi Erasmus & Petrus Mossellanus summæ laudi ascribunt. Petrus Mossellanus Græcarum literarum

Germ. 13.

literarum erat in hac Academia professor. long. 29. 58
lat. 51. 14. dist. 675.

Germ. 14.

Louaniensis vulgò **Louen**. Iohannes dux Brabantiae hanc instituit, anno domini 1426. Hæc ex Coloniensi procreata fuit. Erasinus epistola quadam ad Ludovicum Viuem, *Nulla* (inquit) *me res inuitavit, vt Louanium commigrarem, nisi cælum salubrius, & locus amœnior.* Academia modò aliquanto inclinata. long. 20. 36. lat. 59. 59. dist. 340.

Gall. 8.

Lugdunensis seu Logodunensis Batavorū, **Leeden**, propè Occidentale Rheni ostium instituta reperitur, anno domini 830. At penè collap̄sa restaurata videtur, à Gulielmo Aurasino principe an. domini 1574. Floruerunt hîc Nicolaus Leonicens, Iodocus Badius, Iohannes Gerson, Petrus Toletus, Bartholomæus Argentirius Medicus. long. 26. 40. lat. 53. 30. dist. 518.

Germ. 15.

Marpurgensis, vulgò **Marpurg**, in Hassia, erecta anno domini, 1526. vt restantur Chronica Germanica. Sed anno 1535. à Philippo Principe Lantgrauio instaurata est. long. 25. 45. lat. 51. dist. 518.

Gall. 9.

Massiliensis olim sic Græcis Latinisque literis abundabat, vt non Galli modò eam admirarentur, atq; ad eius instituta & mores suam vitam libenter componerent, verum etiam Itali huc potiùs quàm ad ipsam Græciam proficiscerentur. Hanc D. Hieronymus encomio à trilingui celebrat, & Galliam studijs florentissimam appellat. Hanc Romani mirificè semper honorarunt, & Cicero à multis commendat virtutibus. Huius meminere Iul. Cæsar, D. Hieronymus epistola ad Galatas, Cicero in oratione pro Flacco. Item 8. Philippica in M. Antonium. Item Philippica 13. Item Strabo lib. 4. & Iustinus historicus præclara de hac vrbe scripsit. long. 24. 30. lat. 43. 10.

Gallia florentis.

Maiori-

Maioricana in vrbe Malorca, insulae quae altera est Hisp. 10.
 Palearidum Metropoli, Lulliana dicta à Raymundo
 Lullio, qui ibi natus & educatus est. Atque in hodie-
 rum diem fouetur illic magno stipendio, vir doctus,
 qui Lullianam doctrinam profiteretur. Crescit hic opti-
 mum oleum. Fiunt hic casei, qui praestant omnibus qui
 veniunt Romae, aut Athenis. longitud. 16. 45. latit. 39.
 15. dist. 834.

Mediolanensis, vulgò **Pyllan** in Longobardia, A- Ital. 5.
 cademia antiquissima. Floruerunt hic Virgilius Maro,
 D. Augustinus, S. Ambrosius. At priorem habuit The-
 ologiae professorem S. Barnabam Apostolum. Hermo-
 laus Barbarus, Franciscus Philelphus, Georgius Meru-
 la, Caelius Rhodiginus, Hieronymus Cardanus, Iason
 iuriconsultus, omnes hic literis claruerunt. Leander
 Bibliothecam hic inter celebriores Italiae numerat.
 long. 28. 20. lat. 45. 6. dist. 793.

Messana Siciliae Academia florentissima. Eam Ra- Sicil. 2.
 phael Volateranus Scholam Siciliae magnam vocat, Schola mag-
 quae praestantissimis iam inde viris ab initio abundauit. na.
 Floruerunt hic Dicearchus & Aristocles Philosophi.
 Aristocles elegantem disputationem reliquit, vter esset
 studio & doctrina prior Homerus an Plato. Praeclarum
 & dignum memoria est, quod de Ibyco poeta Messa-
 neo scribitur. Hic à latronibus comprehensus, quum
 occideretur, grues superuolantes obtestatus est, vt mor-
 tem suam vlcisceretur. Aliquanto post tempore, quum
 iidem latrones in foro affiderent, rursusque Grues su-
 peruolarent, per iocum inuicem susurrabant in aurem,
 adsunt Ibyci vltiores. Hunc sermonem quidam astantes
 ciues in suspicionem rapiebant, desiderato iam pridem
 Ibyco, rogantes quidnam ista sibi oratio vellet: ipsi he-
 sitantes, & variè, vt fit, respondentes, tormentisque sub-
 iecti,

iecti, facinus confessi sunt, ac Gruum iudicio Ibyco poenas dederunt. Hic Iohannes Gatius Cephale ditatus, teste Mario, tantus Theologus euasit, ut profiteretur audere se libros sacros iterum, si perirent, posse se restituere per Dei gratiam. Longitudo 40. 30. latit. 38. 30.

Germ. 16.

Ars imprimendi in Angliam delata. 1471.

Moguntina, vulgò **Mentz**, Germanicarum ferè antiquissima. Cuius laudem immortalem nulla ætas conticescet, quòd artem imprimendi quam typographi- cam dicunt, maximè necessariam inuenerit, circa annum Domini, 1459. vnde illud:

Imprimt ille die quantum vix scribitur anno, &

O Germania muneris repertrix,

Quo nihil utilius dedit vetustas,

Libros scribere qua doces premendo.

Dietherus Isenburgus Archiepiscopus, Academiam instituit, anno 1482. long. 25. 4. lat. 50. 8. dist. 520.

Gal. 10.

Montispeffulana in Narbonensi Gallia seu prouincia Tolossana, vulgò **Montpelier**, olim Iurisprudentiæ, nunc Medicinæ studio floret: anno Domini 1196. exorta scribitur. Verùm quum anno 1352. magnus studiorum concursus fieret, ita ut ciues nimis charè domos locarent, pulchrum fuit illud Caroli 8. decretum datum mense Maio, anno Domini, 1437. regni 15. Rectoris hinc maxima est authoritas. Long. 20. 46. lat. 43. 5. dist. 575.

Ital. 6.

Iurisp.

Mutinensis in Italia, vetusta est, post Bononiensem, ubi olim Iurisprudentia floruit insigniter.

Gall. 11.

Nautes in ducatu Britonum, seu Britannia superiori versus oceanum Cantabricum, vulgò **Nauntz**. Long. 1. 6. lat. 48. 12. dist. 268.

Gall. 12.

Numicensis in Gallia Narbonensi siue Delphinatu erecta, nostra tempestate.

Neapo-

Neapolitana antiquissima, Pythagoræ tempore flo-
 rentissima, propterea quæ à Romanis semper honorata.
 Strabo lib. 5. Geogr. *Plurimi* (inquit) *è Roma secessum fa-*
cientes, victum Græcanico ritu perducunt, aut quietis aut otij
gratia, præsertim qui eruditioni dant operam, aut remissioris
vita desiderio, & quos senectus affligit & aduersa valetudo.
 Ritus quoque & educationis Græcorum extant hoc in
 loco plurima vestigia, Gymnasia scilicet, puberum cœ-
 tus & Græca vocabula. Non solum Italiæ, sed totius or-
 bis terrarum pulcherrimam esse plagam Campaniæ,
 scribit Eutropius. Vnde Principum, Ducum, Marchio-
 num, Comitum, Equitum, Doctorum, Baronū, ac No-
 bilium hominum, & eiusdem conditionis Mulierum,
 plena confertaq; adeò Neapolis est, vt paucissimas or-
 bis terræ huic exequari posse incolarum nobilitate sen-
 tiam. Hic Virgilium Georgica scripsisse Parthenopén-
 q; appellasse scribit Seruius. Hic Horatius & Lucilius
 poetæ morati esse dicuntur. Hic Th. Aquinas, Fran. Pe-
 trarcha, Aulus Gellius, per feriarum tempus æstiuarū,
 Neapolim concedere cum Iuliano Rhetore ab urbis æ-
 stu solebant. Fredericus 2. gymnasium hic instituit, am-
 plissimisque ornauit priuilegijs. Centum verò post an-
 nos, Robertus rex sapientissimus illam instaurauit. Post
 100. alios annos Alphonsus Aragonum rex non nihil
 collapsam restituit. Long. 39.30. lat. 41.0.

Ital. 7.
Antiquiss.

Onnedensis in Cantabria, seu Onnetesis, quam non
 multos ante annos erexit Abulensis Episcopus.

Hisp. 11.

Oscana in regno Aragoniæ, tantæ vetustatis, vt refe-
 rente Plutarcho, Sertorius crexisse creditur ante Chri-
 stum natum, vt Aragoniæ iuuentutem bonis literis ibi
 excoleret.

Hisp. 12.

Ossunensis in regno Granatensi erecta, à comite de
 Vrenna, nostra ætate.

Hisp. 13.

D. 2.

Oxonien-

Angl.3.

Oxonienſis ciuitas auguſta, literata, & Regia ab antiquis diebus inter Academicas vrbes meritò venit numeranda. Huius originem bona cum lectoris venia liceat altiùs repetere, quia paulùm controuertitur tam de antiquitate quàm de nomine, & variæ ſunt ſcriptorum opiniones. Oxoniæ vrbs Caer Memprice, Caer Vortiger, Caerboſo, Calena, Rydichen, **Orenford**, modò **Orford**, Latinè Oxonia vetus eſt & noua: Sicut in agro Oxoniienſi **Woodſtocke** nouum, Sarisburia noua, **Windelore** nouum, & in Hamptonenſi prouincia **Aulſfourd** nouum reperiuntur. Oxonia autem vetus illa, vbi multis ante Aluredi inſtaurationem retroactis annis, celebre fuit Gymnaſium: longo iam tempore antiquata, citra Iſidem in Septentrionem porrecta (vbi circuitus ſeu priuilegiorum Academiae fines & metæ vltimæ longiſſimè extenduntur) ad ſerenantem Eurum poſita, ita longè conſpicua, vt ad decem aut duodecim millia paſſuum planiſſimè diſcernatur (etſi in valle ſubſidat) præliorum tempeſtatibus & temporum diuturnitate concuſſa intercidit. Noſtra tamen ætate Belloſitum, Beuimonte, & campi de Bellomonte, Schola Indeorum, & Pariſienſis, vetuſtiſſimæque Muſarum domicilia, vt Aula Grecoladienſis ſiue **Brenehall**, & ſedes auguſtæ, quæ nominatim appellantur, ex patrum nobiliſſimorum mouumentis, ipſiſque ruderibus hodie conſpicienda viſuntur. Antoninus, Polydorus, Lelandus, & Hiſtorici plures, modò Icenos, ſæpè Iſiacos hunc Oxoniienſem populum ſcriptis celebrarunt, nunc fortiſſimos, aliquando doctiſſimos appellant. Et (ſi coniectari aliquid liceat) quod ſepiùs aduerti præter morem Fluminum noſtrorum Brutannicorum, Iſidis amnem Hyberna tempeſtate in altum

altum prouectum, stringente glacie, ita longe laté-
 que in agrum Oxoniensem excurrentem vidimus, vt
 præter aquas amnicas & glaciem continuam, ad duo
 millia passuum vix glebam aliquam, aut terram ari-
 dam possis discernere: quem Anglico vetusto ver-
 bo *Ille* dicimus, vnde Anglis forsan antiquitus, *the*
Riuer of Ille. Vrbs ipsa vnà cum Academia vet-
 ri quibus orta sit fundamentis, ipsa tacet vetustas & se-
 culorum memoria fileat. Certissimè constat apud scri-
 ptores, 400. hinc ampliùs annis ad Isidis Flu. seu va-
 dum Isidis more antiquissimarum Academiarum Ouf-
 ney, vel Anglico vetusto verbo *Ouseneg*, modo *Ose-*
nie statuissè authores. Sic Ouseford apud Australes
 Brutannos eodem tempore fuisse extructum, quo fuit
 apud Septentrionales Eboracum. Quæ modò floret,
 stat, & viget Oxonia, æterna, & inuicta pace, literis A-
 cademicis celebris, nunc intra muros coacta, ad vio-
 lentos bellorum furores foeliciùs & meliùs declinan-
 dos: cum propter cœli clementiam, tum ob aeris tem-
 periem, maiestatem loci, ædificiorum splendorem, op-
 timarum denique artium sacrosanctam professionem,
 augustam, & æternam, non solum inter primas & an-
 tiquiores maioris Brutanniæ vrbes & Academias, sed
 etiam totius Europæ & Orbis meritò debet censerì.
 Censuram hanc probant, & Synodus Ecclesiasticæ, &
 priuilegia Regum, & domestica consilia quæ nos Par-
 liamenta vocamus, quibus Reipub. grauissima tractan-
 tur negotia. Hic enim Principes nasci, sedere, inaugu-
 rari, & res maximas agere multum consueuere. At
 postquam loci oportunitatem studijs accommodam,
 & literis florentem Reges aduerterunt, Londinum se-
 cedere, & ad Regiam se conferre maluerunt. Variant
 quantumlibet authores de antiquitate, dum alij origi-

nem deducant ab anno 756. vel 850. siue 873. aut 895. interim admonitos volo de restauratione, non de originali (vt verbo utar) institutione cogitent. Vbi intestina bella, ciuilesque tumultus iacuerunt, vbi tempestuosa illa Heptarchia subinuicem multum rebellis, in pacatissimam Monarchiam transisset, tum sensim emergere, & altas agere radices, & literæ, & Academiae coeperunt, sub Aluredo illo magno & verè maximo, ad literas nato, Australium & Occidentalium Saxonum Monarcha inuictissimo, anno Christi 873. vel vt alijs videtur 895. quando vniuersitatis Collegij prima iacta sunt fundamenta, *AVLA VNIVERSITATIS MAGNA* appellata, quasi cæteris prioribus, pusillis, & minoribus longè prælucens. At qualis qualis fuerit, veteribus Brutannis recentior ista ab Aluredo instaurata, in ipso statim ortu erat florentissima. Sed meliùs mihi sensit Antiquarius noster studiosissimus, qui à primis inijs, fontem aquæ vitæ, & veritatem ipsam hausisse videtur, qui in hæc verba sententiam effatur.

Prudens (ait) antiquitas (vt in Annalibus nostris legitur) hanc urbem Brutannico seculo Musis consecrauit, quas Græcolada huc, tanquam in fœlicius plantarium transtulerunt. Quum tamen insequens ætas Saxonica, urbium euersionibus continenter decurreret, pientissimus Rex Alphredus magnus (quem magnum rerum gestarum magnitudo & vera gloria testantur) Musis iamdiu exulantibus sua adyta restituit, tribus constructis collegijs: Grammaticis vno, Philosophis altero, Theologis tertio, vbi nunc florentissima Oxonia noua resplendet. Et memineris quæso (Lector Candide) vt omnium rerum est vicissitudo, sic numerosæ sunt Academiæ translationes, euersiones, & desolationes. Et sicut literarum triste fuit aliquando

exilium: ita luctuosum nimis subsecutum est spectaculum, quando illinc Saxones obuia quæque prosternebant, hinc Dani prædatorio incendio singula permiscebant. Inde verò ad Gulielmi vsque Normanni tempora desertæ iacuerunt Athenæ nostræ nobilissimæ, quæ postmodum ex multorum Principum & Præsulum beneficentia, amplissimis structuris, redditibus, & priuilegijs ornantur. Inter cætera siue artis seu naturæ opera stupenda, consita est hic schola magnifica, sacrarum literarum prælectioni destinata, augustissima certè, & (si est vspiam in Orbe terrarum) sacratissimæ Theologiæ amphitheatrum splendidissimum. At vix me contineo præ lachrymis, nec sine acerbo dolore refricare valeo temporum præteritorum memoriam, imo violentiam, & barbaram immanitatem in commune bonum. Inclamant sacræ literæ, *Vae homini per quem venit scandalum*. Exclamet Academia, tantum bonum eripi sibi è manibus in commune malum. Vah hominem importunum, infortunatum, qui nobis tantam felicitatem inuidit, quum nihil ad extremam feritatem fecisset reliqui, nec sacris aut sanctis ipsis parcens, ascendens in Gazophilacium nostrum, in asylum sanctissimum, vbi mille myriades, vbi veterum monumenta à patribus nobilissimis longissimè conquisita, ex Italia, Græcia, & Europa doctissimis deportata, ab antiquarijs grauissimis altissimè recondita: vbi sacra Mysteria, Sancta Sanctorum, sapientia Dei patris, Hebræorum Cabala, Ceremoniæ, ritus sanctissimè asseruabantur in sanctuario nostro: illuc (facinus indignum) furor hominis permistus cum malitia priuata penetrauit, in contemptum & inuidiam (vt credibile est) litterarum nostrorum, diripuit, diffi-

dissipavit, & ita miserrimè exterminavit omnia, ut
 non rectè in nos quadret Virgilianum illud Poema:
Nunc Seges est ubi Troia fuit. Imo nec segetes nec fru-
 tices, nec granum aut herba iam nascitur, ubi olim
 Musæ confederunt: ubi fontes olim castalei scaturien-
 tes, florentissimam hanc nostram Academiam quasi
 nectare & Ambrosia coelitus irrigarunt, & lactarunt
 copiosissimè, illic nunc barbaries horrida & inculta,
 illic Philosophi monstrum horrendum, & naturæ por-
 tentum, vacuum habitat. At vos Patres, vos Princi-
 pes, vos Proceres, vos Heroas appello, in charissimam
 hanc matrem vestram omnium intuemini, desolatam
 consolemini, Græciæ Lumen, Europæ Solem, Mun-
 di animam, & vestrum hanc omnium spartam excoli-
 te & exornate. Nunc ad reliquas liberalium artium
 Scholas, secundum classes suas ordine dispositas acce-
 damus. Succedunt in proximo vicinio, in eadem pla-
 tea, extra tumultum & concursum populi longè se-
 motæ, liberalium disciplinarum Scholæ: Grammati-
 ces, Rhetorices, Dialectices, Arithm. Geom. Music.
 & Astronomiæ. Singulæ loco debito ordinatæ, satis
 amplæ & nitidæ, Vbi lectiones, prælectiones, & Gym-
 nastica exercitia multum laudanda, rarissimè, & nun-
 quam cessant aut silent. Collegia sunt 16. augusta, &
 magnifica, antiquitus fundata. Quorum magnificen-
 tiam, & angustam, imò præcellentem maiestatem, si
 quis æquus rerum æstimator velit iusto iudicio exami-
 nare, vix alias deprehendet Musarum sedes cum ijs
 conferendas. Aulæ modernæ 8. Plæræque aliæ vetu-
 state collapsæ attritæ sunt: Quas Edwardo tertio clä-
 rissimo Principe regnante, literarum patrono benigni-
 ssimo, (præter Collegia quæ tunc floruerunt) 140.
 fama celebres extitisse constat. Quibus olim 3000.

studio.

studioforum, vel vt scribit Armachanus, triginta millia simul floruerunt. Quarum amplitudinem, nomina, numerum & veram gloriam spero indies auctam iri, opera & industria Antiquarij nostri, qui nullum non mouet lapidem, nullis parcat vigilijs aut labori, vt veritas ipsa iamdiu delitescens, è latebris tandem prodeat in apricum, & lucem videat clarissimam. Tanta fuit eruditorum copia, vt Matthæus Parisiensis, vniuersitatem Oxoniensem, secundam à Lutetia Ecclesię scholam, imò ecclesię fundamentum disertè appellarit. Inde celebre illud doctissimorum de Oxoniensibus elogium, quos acutissimos Anglorum Theologos, simul & Parisiensium Sorbonistas Lynceis oculis dispellentes Hærese, n errores affirmant. Singula quæ hodie extant, ædificiorum splendore sunt magnificentissima, ac bonarum literarum artiumque omnium studijs florentissima. Vbi proximè secundum Maiestatem, ad prima sedet gubernacula nobilis eques auratus, Georgiani ordinis miles, magnus Angliæ Cancellarius, Oxoniensis olim alumnus, dominus Christophorus Hattonus, serenissimæ Angliæ, Franciæ, & Hybernias Reginae literatissimæ, præpotenti totius Europæ virgini & dominæ à secretioribus consilijs, more solemni cum lectissimorum corona inauguratus in Archicancellarium Oxoniensis Academiae, lucē altera & secunda Octobris, salutis & gratiæ 1588. anno sursum ab Orbe condito 5550. Huic pro Cancellario sedet, grauitate, modestia, & optimarum artium cognitione insignis Sacrae Theologiæ D. Collegij Magdalenensis Præses.

Prælectores sunt in Sacra Theologia studiosissimi tres: Hollandus, Cradocus, & Rainoldus, multarum vigiliarum, & lectionis plurimæ doctores. Iurispru-

dentiam docet Gentilis, homo Italus & disertus. Medicinae facultatem proficitur florentissimus D. Aileworth, Cathedram suam ornans. Accedit hijs iure suo optimo numerandus, de Academia ista præclare meritus, Philosophus, & Medicus scientissimus, Casus, nulli secundus, initiatus in doctoratus gradum proximis comitijs celebrandis, qui multis retroactis annis, facultatis suæ laurum meruerat. Deinde succedunt præter omnem aleam & sortem, vnanimi consensu ad Magistratum delecti, Procuratores Hardingus Magdalenensis, & Kingus Collegij Christi, lectissimi iuvenes. Ijs proximè accesserunt (dum hæc scriberentur) in Magistratu anno publico suffragio declarati, Colmerus Mertonensis, & Lueus Exoniensis, adolescentes fortunati, & optimæ spei in Repub. bene literata. Mathematici Oxonienses, hanc suam urbem 22. partibus ab Insulis fortunatis abesse, polum verò Borealem 51. gradibus, 50. scrupulis sublimem attolli obseruunt. Sanctum etiam Richardum olim Oxoniensi Academiae præsedisse Cancellarium annotarunt.

Hæc est illa Academia celebris, & antiqua, modò quasi Palma florens, quæ vbi serenissimæ Anglorum Reginae, in extremis urbis finibus, à ciuitate augusta longè remotis occurrisset, conuenientibus eò grauissimis patribus rogatis, sex postea continuis diebus, cum non mediocri omnium applausu, augustiss. Europæ Principem, Insularum clarissimam Phœnicem, Gentisque suæ Eboracensem, & Lancastrensem Rosam florentissimam vidit, audiuit, & oculis contuebatur, in concionibus, in Gymnasticis disceptationibus, in spectaculis Theatricis, astantem, præsentem, moderatam, disertis denique verbis eloquentem, & in eruditissimorum corona pronunciantem ad hunc modum: *Qui ma-*

te agit, odit lucem. Et cætera in Archiuis nostris inter aurea mala sacratissime & altè reposta. Quia ego puer sum Oxoniensis, vt dicit Apostolus, & nescio loqui Principis huius extra doctissimorum coronam, supra captum vulgarem, sapientiam inauditam, Maiestatem plusquam humanam, virtutem, prudentiam, & doctrinam singularem: Deum ergo optimum max. precemur, vt sicut hætenus, coelestis instar beneficij claritatem tuam procreauit nobis, incredibili virtute illustrauit nobis, diuina gratia conseruauit nobis: ita semper in posterum faueat tibi & foueat te, indulgeat tibi & complectatur & cōseruet te nobis, ad æternam, & Reipublic. & Honoris, & Nominis tui salutem & memoriam.

Cellitatis tuæ obseruantiss.
discip. M. W.

Hæc est illa Academia fama celebri notissima, & longissimè apud exteras gentes diuulgata, vbi prudens ille, solers, & sagax de Hispanijs Legatus Toletanus, cum dies plures disceptationibus Gymnasticis, nocte verò serotina spectaculis Comicis & Tragicis interfuisset libenter, probasset sapienter, laudasset grauitè, hæc verba publicè palam, & aperte profitebatur, Regiones plures perlustraui, multa vidi, sed hæc sunt admiranda, & sic referam vbi in Patriam venero.

Habes nunc Oxoniensis Academiae formam, humanissime Lector: quam certè Orator noster disertus, siue Antiquarius studiosissimus, industria maiori, & vigilantia meliori potuissent exhibere speciosam & præcellentem. Sed mihi conscius sum, & eorum labores ac sudores agnosco in rebus grauioribus: & vbi paulum intermissum fuerit, dubio procul foetus tibi edent pulcherrimos. Singula collegia, Academiae ritus, normæ & regulas

regulas studiosius observant assidue legendo, disceptando, prælegendo Hebraicè, Græcè & Latinè. Aulæ verò nostræ (quo nomine Principum & nobilium nostrorum ædes hodie insigniuntur) Academicis nunc viuunt legibus, vbi antiquissimi studiosorum conuentus fieri solebant. Modò ad exemplar & regulas victitant Academia nouæ & Collegiorum. Olim leges dabant, & Academiam omnem in se concluderunt & multitudinem numerosam. Est & Bidellorum seruientium quasi Collegium & numerus definitus senarius. Quorum tres armigeri torquati & annulati aureos gestant baculos, vnà cum insignibus & Symbolis Academiæ & scientiarum aureis. Tres alij paulum sunt inferiores, argenteos gestantes bacillos, pompa solenni & incessu graui omnes Doctores Cathedratos, Procuratores, & Artistas præcedentes ad Basilicam Deiparæ virginis, ad Conciones, Prælectiones, & Gymnastica quauis exercitia solennia. Fuit olim Bidellorum aula, ab Antiquario nostro studiosissimo nuper eruta è tenebris in lucem: vnde centenarium & amplius Aularum numerum volente & stante sic Oxoniensi fato celeberrimo speramus.

Heroica sunt clarissimorum Principum facta calamo perpetuo Cedroq; digna: sic & optimorum Præfulum Vintoniensium memoriam silentio consopitam tacere nefas esset. Vintonienses dico? neque Colonienses, neque Treuerenses, neque Moguntinos, neque Toletanos, neq; Romanos, aut Romani nominis quoscunque Eugenios, aut Iulios æquiparandos censeo, qui antiquiores illas, non Vintoniæ, sed Oxoniæ præsertim florente Repub, nobiles & amplas structuras erexerunt. Cuiusmodi sunt in Venta vrbe antiquitus dicta, modò Vintonia, Anglis Winchester: Schola certe augusta,

augusta, ante 200. amplius annos erecta, vt adolēcentes suauioribus disciplinis imbuti, ad artes Academicas meliori genio animum intendant. Vilitur in eadem vrbe Basilica, splendida olim S. Swithuni, modò Sancti Sanctorum Sacrosanctæ Trinitatis Ecclesia ab eodem Episcopo fundata, ob mirandam, & immortalem dignitatem suspicienda. Sin verò Oxoniam te conferas, primò se offerent omni veneratione digna, Musis sacrata,

Collegium B. Mariæ nouum à Willielmo Wychamo Episcopo Wyntonienſi extructum, anno dominicæ incarnationis 1375.

Collegium D. Magdalenæ sacratum ab Willielmo Wainſleto Winton. Episcopo pulcherrimum, Salutis & Gratia 1459. vnà cum Aula & Schola Magdalenenſi adiunctis in proximo vicino commodissimè.

Corporis Christi à Richardo Foxo Præsule Wintonienſi venerando ſene, oculis orbo, ingenio valdè sagaci, animo multùm perspicuo, anno Domini 1516. opus absolutum. Erat ab eodem Episcopo schola constructa in Lincolnienſi prouincia, in oppido de Grantham: vt inde tempestiuus ad Collegium suum Oxoniense possent transferri. Plura consulas de eadem fundatione ex epistola Desiderij Erasmi ad Claymondum Præsidem primum doctissimum conscripta, in hæc verba. *Egregiam illam prudentiam suam qua semper publica fama præconijs commendatus fuit Richardus Episcopus Winton. nullo certiore argumento nobis declarauit, quàm quod Collegium magnificum suis impendijs extructum, tribus precipuis linguis, ac melioribus literis, vetustisque authoribus precipuè consecrauit. Complures regiones vulgare monumentum aliquod nobilitauit. Ingenti Colosso Rhodus est celebris: Caria Mausoli sepulchro: Memphis Pyramidibus: Guydus*

sculptili Veneris signo: Theba magico Memnone. Alihi praesagit animus futurum olim, ut istud Collegium, quasi templum sacrosanctum optimis literis dicatum, toto terrarum orbe inter praecipua decora Britanniae numeretur: pluresque futuros qui trilinguis istius Bibliotheca spectaculum, quae nihil bonorum authorum non habeat, pertrahat Oxonium, quam olim tot miraculis visenda Roma ad se pellexit. Praefuit hic primus doctissimus ille Claymondus, qui exquisitissima in Plinium commentaria conscripsit. Successit deinde Robertus Morwentus Theologus, Praeses tantae grauitatis, ut quum 40. amplius annos Praesidentis loco surrogatus, & ipse optimè praefuisset, Oxoniensibus in concione publica Pater patriae literatae Oxoniensis appellatus est, quum in extremis naturae laboraret: & sic fato concessit grandi senio confectus: utriusque Magdalenenses alumni. Praelegit illic in Rhetoricis in celeberrima audientium corona, praesentibus illustrissimis Principibus Henrico octauo rege, & Catharina coniuge, Ludouicus Viues, omnis politioris literaturae scientissimus. Item Shepreus 28. annorum trilinguis doctissimus fato functus praemature nimis. Inde prodire Reginaldus Polus Cardinalis, Brocus, Iuellus, Chedseus, omnes literarum gloria florentes.

Est & Regia Musarum sedes, siue operis molem mirandam, siue structurae magnificentiam, siue studiosorum numerum, siue prouentus annuos plenius inspiciamus, si alicubi in orbe Christiano, Christo Seruatore dicata à Thoma Volsæo Wintoniensi Episcopo, etiam Eboracensi Archipresule & Cardinale, anno post Christum, 1539. Wintoniensium Praesulum foetus vltimus, sed amplissimus, & imperfectus. Quem fundo largo, praedijs amplis, & redditibus multis illustrissimus rex Henricus octauus, anno Christi, 1546. auctio-

rem

rem reddidit, & longè consummatior.

Si politam operis elegantiam requiramus, est propter structuram Collegium omnium Animarum ex lapide quadrato & perpolito in prima vrbis facie, anno Domini, 1437. ab Henrico Chichleo Cantuariensi Primate erectum, multum spectabile.

Nec silentio prætereundum est antiqua memoria dignum, eximium illud Gualteri Merton Angl. Cancellarij, Roffensis Episcopi, Collegium Mertonense, in agro Surriensi, sub Henrico 3. positum, deinceps composita Baronum seditione, sub Edwardo 1. Oxoniæ translatum: modò quasi laurus virescens, impensis egregijs studiosorum hodie renouatum, tanquam fama renascens vires acquirit cundo.

Est & antiquissimum illud, Academiæ tamen nouæ Collegium Vniuersitatis, Alphredo natum, & Roberti Polenij opera, fauente Henrico 2. & Richardo 1. eius filio, qui in Academia veteri in lucem æditus est, restitutum. Sunt & aliæ Musarum sedes pulcherrimæ ordine suo recensendæ.

Vt illud Ballioli in Academia veteri, quod Iohannem Balliolum Scotorum Regem, eiusque parentes & Deruerguillam Principem agnoscit authorem, anno Domini, circiter 1263.

Collegium Sanctissimæ Trinitatis sacrum (olim Durrhami) in Academia veteri Ballioli Collegio contiguum, anno Christi, 1556.

Collegium S. Iohannis præcursoris olim D. Bernardi in Academia veteri, collegio Ballioli conterminum, per Thomam White ordinis equestris militem inauratum, anno Domini, 1557. Nec silentio relinquendum est in Academia veteri, Collegium illud antiquitùs dictum Glocestrense, modò Aula Glocestrensis, at

rectius

rectius Aula S. Iohannis, proximè Isidis vadum in vi-
co quodam appellato **Stockwell streete**, à Gylberto
de Clare Comite Glocestriæ extructum (vt quibus-
dam videtur) auctum deinde censibus & ædificijs Mo-
nasteriorum Abyngdoniensium, Sancti Albani, Glo-
cestrensium & aliorum.

11. Proximè accedunt in Academia noua Collegium
Exoniense, vnà cum Aula Ceruina, à Gualtero Sta-
pleton Exoniensi Episcopo fundata, anno Christi,
1316. Gaudet tamen hodie censibus & numero floren-
ti multum Willielmi Petrei militis inaurati optimè
auctum, anno Christi incarnati 1566.

12. Collegium Oriale per Adamum Browne Eleemo-
synarium Regis, anno Domini 1323. extructum.

13. Collegium Reginae per Robertum Eglisfield sacel-
lanum Dominae Philippae Reginae, 1340.

14. Collegium Lincolniense coepit per Richardum Fle-
mingum Episcopum Lincolniensem, anno Domini,
1420. auctum sub Richardo tertio, per Thomam Ro-
theram Episcopum Lincolniensem, anno Domini
1479.

Schola Theologiae opus rarissimum, per Hum-
fredum Glocestriæ Ducem optimum instructa & per-
polita fuit, Salutis & Gratiae, 1447.

15. Collegium Aenei Naslinchoatum fuit per Willi-
elmum Smyth Episcopum Lincolniensem: consum-
matum verò per Richardum Sutton Armigerum, an-
no Domini 1513.

Collegium Cantuariense antiquum nomen obti-
net Symonis Islyp Cantuariensis Archipræsulis, anno
Christi 1353. hodie tamen Christi Collegio adhæret,

16. Postremò iam loco venit numeranda nostris hisce
diebus inchoata per Hugonem Prisium legum Docto-
rem

rem Musarum sedes Iesu sacra, sed imperfecta. Omnia
deniq; sunt Regum, Principum, Præfulum, & Nobilium
(vt antea dictum est) Heroica Musarum monumenta
Deo patri, Christo Seruatori, Spiritui sancto, & glori-
osissimæ Trinitati in gloriam & omnem æternitatem
consecrata.

ACCIPE NVNC HVMANIS- SIME LECTOR SI PLACVERIT,

Collegiorum nostrorum nomina, nume-
rum, & authores, versibus sic breuiter
à Stellato Poeta nostro con-
scripta.

Ncipe Chrīste, tuum primo venit ordine templum,
Nobile ab Henrico: Christi de corpore Foxo:
Trina domus Popo: Baliolia condita Scoto:
Structa Stapletono, restructa Exonia Petro:
Regia Eglisfeldo: Lincolnia sacra Flemingo:
Illa Chichelleio cuncta cui nomen & omen
Dant Anima: Alphredo referenda Academia magno:
Vos noua Wicchamo, vos Magdalanensia tecta
Præsule Wainfletto: vos Mertonensia vestro
Mertono celebranda: & vos Oriallia Brownno.
Smythe tuas Nasus commendat aheneus ades:
Tēque tui ante alios laus maxima White Iohannis.
Desine Chrīste: manet Prisio inchoatus Iesus.

F. r.

CHRO.

EVROPAEI ORBIS
CHRONOGRAPHIA
SIVE ORIGO COLLEGI-
ORVM OXONIENSIS ACADEMIAE,
unà cum descriptione eorundem, ad Serenissi-
mam Elizabetham Anglia, Francia, Hy-
bernia Reginam, &c. conscrip-
ta. 1566.

1. **ECCEſſIA CHRISTI** coepit ſub Henrico octauo
per Thomam Woolſeum Archiepiſcopum, anno
Domini 1529. abſoluta eſt ab Henrico octauo an-
no 1546. D. Iames Eccleſiæ Chriſti præſidet De-
canus.

P*Rima ſtat Australis domus ampla Eccleſia Chriſti,
Primo iam duplici nomine digna loco.
Tum quia te patrẽmque tuum ſit naſta patronum,
Tum quia ſit reliquis auctior iſta cohors.
Cæpta quidem Thoma Wolfai ſumptibus olim,
Sed patris Henrici cenſibus aucta tui.*

2. **COLLEGIVM NOVVM** coepit ſub Richardo 2.
per VVilliellmum de VVykam Episcopum VVinto-
nienſem, anno 1375. D. Culpepper VVarden.

P*Roxima mox ſequitur ſatis ampla frequẽsque ſtudentum,
Turba noui cœtus nomen adeptæ diu.
Turribus hac altis toto micat æthere raris,
Doctrina gemmis vitis onuſta ſuis.
Condidit hanc præſul Gulielmus in vrbe Wykama
Proles ter fauſto ſydere nata, Wykam.*

3.
Ars impri-
mendi ſub id
tempus in-
uenta in An-
gliam dilata.
1471.

COLLEGIVM MAGDALENENSE coepit ſub
Henrico ſexto, per Guiliellmum Wainſlet Episco-
pum VVynton. anno 1459. D. Bonde Præſes.

Ne

N*Ec minùs est celebris domus ampla dicata Maria,
Cuius sacra fidem Magdala castra docent.
Splendida munificum testantur tecta patronum,
Aemula splendoris digna Wykame tui.
Indidit huic nomen Guilielmus Wainflet, alumnus
Vnus & ipse gregis magne Wykame tui.*

COLLEGIVM OMNIVM ANIMARVM, coe-
pit sub Henrico 6. per Henricum Chichlæum Ar-
chiepiscopum Cantuariensem, 1437. D. Ouenden
Warden.

C*orpora prapropero studio plerique saginant,
Nec curant animas sedulitate pari.
Id ne Musarum faceret studiosa iuventus,
Admonet apposito nomina quarta domus.
Sumptibus Henrici Chichlei structa, iuuanda
Ceu foret hac animæ tota dicata domus.*

COLLEGIVM CORPORIS CHRISTI, coepit
sub Henrico octauo, per Richardum Foxum Epif-
copum Wintoniensem, 1516. D. Cole Præses.

Q*uinta iubet nostra memores nos esse salutis,
Quo modo & unde salus parta sit illa, docens.
Quam Deus assumpto quia Christus corpore donat,
Corporis à Christi nomine nomen habet.
Censibus hanc amplis Richardus Foxus abundè
Sustinet, & Musis apta dat esse loca.*

COLLEGIVM MERTONENSE coepit sub E-
douardo primo, per Gualterum Merton Episco-
pum Roffensem, 1274. M. Sauile Warden.

N*ec procul hinc distat, quæ sexta est ordine, Merton,
Seu Mertonensis dicta per ampla domus.
Gualterus Merton Præsul (quo Præsule Roffa*

*Floruit) huic domui fautor & author erat.
 Quae quamuis multos foueat pia mater Alumnos,
 Aedes sacra tamen pluribus apta foret.*

7. *COLLEGIVM ORIALE* coepit sub Edouardo 2.
 per dominum Adam Frowne ab Oriali, eleemosy-
 narium eiusdem Edouardi, 1323, D. Blencow Pro-
 uost.

*S*ed pergam in reliquis. stat Musis septima sedes,
 Oriale uerè regia dicta domus.

*Annis illa valens Edwardi tempora uidit
 Qui rex illius nominis alter erat.*

*Condidit hanc Adam quidam cognomine Brownus,
 Et regi nomen detulit ille suo.*

8. *COLLEGIVM REGINALE* coepit sub Edouar-
 do 3. per dominum Robertum Egliffeld sacellatum
 dominæ Philippæ vxoris eiusdem Edouardi, 1340.
 D. Robinson Prouost.

*H*ic itidem similis pastor Robertus Egliffeld,
 Regina munus donat & ipse sua.

*Nam reginalem cum magnis sumptibus adem
 Fundasset, vocat hanc (clara Philippa) tuam.*

*Fæmina quo Musis nutrix non dura nouerca,
 Pergeret & studijs mater addesse pia.*

9. *COLLEGIVM VNIVERSITATIS* coepit sub
 Alphredo per dominum Guilielmum Archidiano-
 num Dunelmensem. 873. M. Gates Magister.

*E*N tibi iam prodit speciosa Academia, quæ quum
 Sit species, generis nomen adaucta tenet.

Ut logicè species generatim sæpè vocatur,

Et pars pro toto corpore saepe venit.

*Huic Dunelmensis Guilielmus presbyter adi,
Communi studijs nomen ab urbe dedit.*

COLLEGIVM AENEI NASI coepit sub Henrico septimo, per Guilielmum Episcopum Lincoln. 1513. M. Harrys Principalis.

10.

Aeneus hic Nasus praelucet, ut insula ponto
Prominet, aut reliquo nasus in ore nitet,
Quae domus impensis Guilielmi structa Smithae,
Aeneo & aeterno nomine digna manet.
Multis illa quidem turbis conferta studentum,
Spes ut sit messis magna futura bona.

COLLEGIVM LINCOLNIENSE coepit sub Henrico quinto, per Richardum Flemingū Episcopum Lincoln. 1420. auctum sub Richardo tertio, per Thomam Rotheram episcopum Lincoln. 1479. D. Vnderel Rector.

11.

Hic latus occiduum claudit Lincolnia sedes,
Quae sibi patronos gaudet habere duos.
Alter erat Thomas Rotheram, Ricardus & alter
Fleming, eiusdem praesul uterque loci.
Quos ubi ditarat Lincolnia, gratus uterque
Non sibi, sed sedi, dona dat ista sua.

COLLEGIVM EXONIENSE coepit sub Edoardo secundo, per Gualterum Stapleton Episcopum Exoniensem, 1316. auctum sub Elizabetha regina per dominum Guilielmum Petraeum militem inauratum. 1566. D. Glasier Rector.

12.

Distat ab Oxonio spatij Exonia multis:
Ista tamen Musis hic fit amica quies.

Condi-

*Condidit has praesul Gualterus Stapleton ades,
Indidit & sedi nomina digna sua.
Te tamen insignem laudant Petrae patronam,
Et laus ex studijs altera parta tibi est.*

COLLEGIVM TRINITATIS coepit sub Maria regina per dominum Thomam Popum ordinis equestris militem inauratum. 1556. D. Yelder Praeses.

Vrbis at egressa iam mœnia Proxima sedes
Occurrit Thoma sumptibus aucta Popi.
*Quam sacrosancta Triadis cognomen habere,
Iussit inauratus miles equestre decus.
Huius adhuc teneros fœtus pia mater adauget,
Coniux tam digno coniuge digna suo.*

COLLEGIVM BALLIOLENSE coepit sub E-douardo primo, per Ioannem Balliol regem Scotiae 1263. D. Lilye Magister.

Sed minùs hoc mirum est nostrates hæcenus urbem
Hanc iuuisse suam, cui Scotus addit opem.
*Clarus Ioannes regali stemmate natus
Balliol, hic Musis atria clara locat.
Qui patria pulsus, patria iam redditus Anglis,
Hos fidei testes obsequiùmque dedit.*

COLLEGIVM. S. IOAN. BAPTISTAE coepit sub Maria regina, per dominum Thomam Whyte ordinis equestris militem inauratum. 1557. M. Hutchinson Praeses.

Vltima postremo iam commemoranda triumpho
Restat Ioanni sacra dicata domus.
Qua licet extremo claudatur fine laborum,

*Laude par, extremo sit licet ista loco.
Has Thomas Whitus Londini gloria raras,
Mercator merces donat, emitq; suis.*

SCHOLA THEOLOGICA opus rarum, coepit
sub Henrico 6. per dominum Humfredum ducem
Glocestriæ. 1447.

EMinet & media fastigia suscipit urbis
(Dux Humfrede) tuis sumptibus ista schola.
*Surgit in immensum turritis undique pinnis,
Seetaq; perpulchro marmore quadra domus.
Splendida luminibus crebris laquearia fulgent,
Artificumq; nitent pendula saxa manu.*

SCHOLAE PVBLICAE scientiarum liberalium
extructæ sub Maria regina. 1557.

Imminet huic series bis quinque instructa domorum,
Semita qua studijs omnibus una patet.
*Sumptibus has fecit Regina Maria deditque,
Vnde novas possis hasce videre scholas.
Elizabetha soror tu digna sorore Maria,
Pro pietate tua quas dedit illa foveas.
Gratia ut equalis iam detur utrique sorori,
Altra quod has foveat, quod dedit altra scholas.*

AULAE CERVINAE descriptio. M. Randall
Principalis.

Aularum forma pulcherrima proxima testis,
Aula Wikame tuis ordine prima subit.
*Inclita nobilium numerosa pube referta,
Cervina à cernis nomine dicta domus.
Atque suo merito Cervina hac dicitur Aula,
In media cerui cornua fronte gerens.*

Epitome

Candida, Lata, Noua, studijs civilibus apta
 Portapatet Musis (Iustiniane) tuis.
 Quae restant alijs discendis artibus Aula
 Sunt propriè, quibus haec nomina prisca manent.
 Sacra Maria, Alburnensis, Glocestria, diui
 Edmundi, ac demum Magdalis aula frequens.

Nunc quæso te benigne Lector, per lachrymas & literas, per familiaritatem nostram & humanitatem vestram, ne quis mihi detrahat, nec plus iusto tribuat, neque hæsitantem in vberibus matris meæ corripiat, neue ludentem aut lasciuientem in mamillis eius lædat: foueat si lubet, amplectatur & tueatur.

Ita! 8.

Iurisp.

Papiensis siue Ticinensis Academia in Longobardia: à Carolo Magno non diu post Parisiensem erecta esse creditur, anno Domini, 800. vulgò Pauia dicta. Iason Patricius Mediolanensis hîc publicè profitebatur multis annis Iurisprudentiam. Hic Baldus Iurisconsultus, postremam suam doctrinam, quæ & perfectior, & gratior esse solet, edidit. Egregiam fuisse Bibliothecam in Arce Castri Ticinensis scribit Iason. Sacram Philosophiam de vero Deo primus Ticini professus est Syrus Aquiliensis, eo tempore quo D. Petrus eam Romæ docebat. Carolus ille Magnus, ad conseruandam propagandamque veram doctrinam Christianæ religionis, alterum illorum Monachorum qui ex Britannia venerabilis Bedæ presbyteri discipuli in Galliam venerant, sapientiam se vñalem habere profitentes, Ticinum misit, vt illam ibi in animos hominum infunderet, primùmque huius Academiae (vt quibusdam videtur) rectorem dedit. Long. 28. 22. lat. 44. 50. dist. 785.

Li. 7. hist. Gal.

Arnoldus Ferronus scribit, quòd Antonius Papiensium

sium dux, & propugnator à Cæsare constitutus, ut militibus integra stipendia persolueret, etiam argentea sceptrâ, quæ instar Fascium vniuersitatis Rectori præferebantur, in suos vsus conuertit. Egregia etiam Bibliotheca quam in arce castri Ticinensis extitisse scribit Iason, tunc magna ex parte interiit: sed partim Pontificum Romanorum, partim aliorum Principum munificentia & liberalitate, iterum constitit: Sicut & nostram Oxoniensem Bibliothecam audio, & spero breui fore restituendam. O verè fortunatum, illustrem, munificum & beatum Principem, Heroam, seu nobilem quemcunque, cuius tantam virtutem omni æuo celebrandâ nulla ætas conticescet? Quem florentissimæ Athenæ nostræ æternitati consecrabunt Philobiblon?

Patauina, vulgò **PADUA**, in Marchia Taurisana à Ital. 9.
Carolo magno instituta, anno domini 791. Hanc auxit Fredericus 2. Hinc oriundus Titus Liuius Patauinus, Iason Iurisconsultus, Blondus, & alij. Ab Antenore Troiano conditam scribunt, & totius Italiæ velut Atheniensem Areopagum esse, vnde doctissimi plures prodierunt. Est illic Prætorium omnium quæ in orbe memorantur dignissimum. long. 32. 50. lat. 44. 50.

Panormitana in Regno Siciliae, vulgò **PANORMUM**, Sicil. 3.
iam inde ab initio bonis literis & legibus saluberrimis floruisse videtur. Quas ubi Verres ut liberiùs tyrannidem suam exerceret, sustulisset, L. Metellus Prætor restituit. long. 37. 0. lat. 38. 0.

Parisiensis, Lutetia, seu Lucotetia Parisiorum, vulgò **PARIS**. Gal. 13.
Carolus magnus circa annum dom. 791. dicitur instituisse Alcuini Præceptoris sui consilio admonitus, qui fuerat venerabilis Bedæ Angli discipulus. Inde Anglorum Colonia dicta. De Parisijs sic scribit Architritemius. Ang. Colonia.

*Exoritur tandem locus altera Regia Phæbi,
Græca libris, Inda studijs, Romana Poetis,
Attica Philosophis, Mundi Rosa, Balsamus Orbis.*

Quanquam ante Carolum Artes Parisijs etsi corruptæ floruisse videntur, is tamen veram Academiæ formam ex Romana introduxit, ut ipse in epistola, & Saburellus, & Petrus Anchoranus insignes Iurisconsulti Clement. 1. de Magistris: & Vincentius lib. 24. speculi testantur. Hinc aliquot studiosorum millia, sub Ludouico Sancto Oxonium demigrasse scribunt Annales Franciæ, circa annum domini 1253. quod sibi & priuilegijs iniuriam factam quererentur. Vnde triste literarum exilium cum luctuoso nimis spectaculo Lutetiæ subsecutum est. long. 17.8. lat. 47.55. dist. 712.

Ital. 10.

Perusina, Ptolomeo Perugia Augusta, vulgò **Perusa** in Tuscia, florere cœpit circa annum domini 1290. inquit Blondus vrbs vetustissima, olim Etruriæ primaria, & sola inter omnes Italiæ vrbes foelicitatem nacta inauditam: quod eandem pene status & rerum conditionem, quæ ante conditam urbem Romam, & postmodum Roma sub Regibus, Consulibus, Imperatoribus, & tyrannis agente habuit, nunc retinet: passa tamen varias sed tolerandas agitationes fuit. Hic floruit ille Paulus qui de dijs Græcorum & Latinorum scripsit. Floruerunt hic Philippus Francus, Cynus Pistoriensis. Quo præceptore Bartholus vsus Iurisprudentiæ fundamenta iecit: & tandem Pononiæ promotus, quum Pisis aliquandiu docuisset, Perusum reuocatus, non minori cum gloria quàm fructu ius ciuile professus est, ut summus iuris commentator, & terrestre quoddam numen vocaretur. long. 35. 18. lat. 42.56. dist. 1112.

Ital. 11.

Pisana, vulgò **Pissu**, in Tuscia, quam Volateranus scri-

scribit à Pon. max. fuisse inauguratam, an. dom. 1339. deserta erat anno 1543. Cosmus Medices dux Florentinus, scholas Pisanas iam ante multos annos desertas restituit, & per Matthæum Curtium Medicorum Principem excellentis doctrinæ virum, aliōsq; doctos magna pecunia conductos, omnium scientiarum professione claram celebrēmq; fecit. Laurentius egregie eam promouit. Floruit Decius celeberrimus Iurisconsultus. long. 31. 28. lat. 42. 22. dist. 1007.

Gymnasium
generale.

Pictauiensis in Auerniæ ducatu vulgò **Poitiers**, Gal. 14. Ptolom. Angustoritum Pictonum metropolis. Munsterus alterum à Parisiensi locum obtinere affirmat. Quippe qua omnium Artium studia frequentissimis auditorijs à sapientissimis viris accuratissime tradantur, præsertim Iurisprudentia. long. 17. 50. lat. 48. 20. dist. 228.

Posnensis, vulgò **Posna**, Ptolom. Stragana in Polonia, aliquando paulum emerfit, at postmodum collapsa iacet obscura: nescio an fuerit vnquam confirmata. Polon. 4.

Bohemia Christi fidem accepit Imp. Arnulpho, anno domini, 900. Regem primum Christianum Borfinum habuit. Vladislavus R. 1.

Academia 1.

PRagensis in Bohemia, vulgò **Prage**: extructa à Bohem. 1.

Carolo 4. Imp. anno domini 1370. vt refert Aeneas Syluius in gestis Bohem. Fuit hic Rex Bohemorum, & ea Regia est. Carolus iste Scholam ingressus 4. horis integris Magistrorum disputationes audiuit: quumque id purpurati molestè ferrent, & tempus cœnæ inclamarent, respondit, Mihi tempus est, vobis minime: nam cœna mea hæc est. Egregium Collegi-

um Carolus instituit, & insignem Bibliothecam. He-
duigis Polonorum Regina, an. 1400. Collegium addi-
dit Lituanorum, quod Reginae vocabatur, & possessio-
nibus egregie ditavit, ut in eo Lituani sui erudirentur,
sed iam intercidit. Ferdinandus 1. & Maximilianus 2.
Rom. Imperator eam restituerunt. long. 32. lat. 50. 6.
dist. 770.

Pol. 3.

Regiomontana in Prussia. Hanc Albertus Marchio
Brandeburgensis instituit, anno dom. 1544. vulgò **Bo-
niburq.** In arce Vilnensi Polonię Reges Bibliothecā
magnificam extruxerunt, ut refert Cromerus. long. 41.
16. lat. 54. 17. dist. 10. 80.

Gal. 15.

Reihmensis, vulgò **Rheims.** Hanc ante paucos an-
nos erexit Carolus Lotharingae Cardinalis. Campa-
niae Metropolis est qua Reges Franciae consecrantur,
long. 10. 55. lat. 48. 45. dist. 354.

Germ. 17.

Rostochiensis, vulgò **Rostocke,** in ducatu Mechel-
burgio, quae dicitur initium sumpsisse ex Erphordien-
si, anno dom. 1419. per principes Megapolenses. Alijs
coepisse videtur, anno 1415. florere 1419. Huius sen-
tentiae est Munsterus, lib. 3. Aeris illic multa salubritas,
& victualium omnis generis leui pretio magna est co-
pia. long. 30. 14. lat. 54. 36. dist. 606.

Ital. 12.

Romana, vulgò **Rome,** olim terrarum domina. Flo-
rente enim Repub. (inquit Blondus) literis omnibus
honor maximus fuit, nihilq; in ea vrbe maius, nihil op-
tabilius literis & doctrina extitit. Quod Ciceronem
permouisse credo, quando ut nihil in rerū vniuersa na-
tura Mundo, sic in terris nihil Roma melius, nihil prae-
stantius esse affirmat. Arcem deniq; Regum, & nationū
exterarum, & lumen Gentium, domiciliūq; Imperij
vocat. Quae (authore Plinio) plures in quocunq; gene-
re eximios tulit, quàm cætera terrae. Nec aliunde plura

3. de natura
Deorum.

ma.

maioraque virtutum & doctrinae exempla extitisse ait Fabius. Hæc primò (vt habent Annales & Historici) ex Athenarum reliquijs Academia esse coepit, anno 700. Postea verò paulatim corruentem instaurauit auxitque Eugenius 4. qui passim Academies in Europa instaurauit, auxitque, vt scribit Sabellicus. Iulius 3. Collegium Germanicum instituit, vt Germani adulescentes gratis alerentur. Est ibi Collegium sapientiae, quod Athenæum prius fuerat: vt omnium artium ac facultatum professores honestè illic alantur. Offa rex Merciae Anglicanae, Scholam dicitur erexisse Romae Anglis suis, quam aliqui in Oxoniensem Academiam traducunt. At hercle mirum videri debeat, eum tam longis itineribus Romam profectum ad scholas erigendas, & Rom. domi in tam grata patria, Gymnasium vel non prius fundatum, reliquisse desolatum. Hunc aliqui scripserunt Oxonię statuisse Academiam, Sed valeant per me qui vel adulterinos foetus, siue monstra parturiunt. Vbi Roma Philosophis & viris doctissimis abundabat, è Græcia, Aegypto, aliisque regionibus eò confluentibus, honestissimum tunc erat Romae docuisse aut studuisse. Istuc Porphyrius ad Plotinum, in hac Academia professorem insignem venisse legitur. Seuerum ex Africa Imperatorem Romam venisse, studiorum gratia, scribit Spartianus. T. Liuius quàm multos ex remotissimis prouincijs ad se attraxit. Aurelius Augustinus professionis causa Romam venit. D. Hieronymus Romae Psalterium correxit. Bibliotheca vaticana Romae multum celebris. D. Hieronymus insignia fuisse Romae Gymnasia, ante sua tempora indicat. Long. 36. 40. lat. 41. 40. dist. 1197.

Salernitana, olim Medicinæ studio florentissima, ab Ital. 13. Anglorum rege consultata, optimum dedit consilium,

pro valetudine tuenda, hijs versibus:

*Anglorum Regi scribit Schola tota Salerni,
Si vis incolumem, si vis te reddere sanum,
Curas tolle graues, irasci crede prophanum,
Parce mero, cœnato parum, non sit tibi vanum
Surgere post epulas: somnum fuge meridianum,
Nec miētum retine, nec comprime fortiter anum.
Hac bene si serues, tu longo tempore viues.*

Paulatim etiam cæteræ artes hîc traditæ fuerunt. Nam Robertus Moranta speculi aurei siue luminis aduocatorum author, Iurisprudentiam hîc docuit. Etsi nunc temporis iniuria, aliarum vicinarum Academiarum splendore propemodum obscurata sit. Long. 90.0. lat. 40.40.

Hisp. 14.

Salmanticensis, vulgò *Salamanca*, in regno Castellæ: à Ferdinando 3. anno Domini, 1404. vt aliqui volunt extructa: de cuius institutione laborant scriptores, quum alius à Benedicto 13. Pon. institutam scribit, variisque priuilegijs ornatam, & inter præcipuas vniuersi terrarum orbis Academias numerandam censeat. Est & Episcopatus dignitate conspicua. Long. 7.39. lat. 40.15. dist. 765.

Ital. 14.

Senensis, vulgò *Senes*, in Tuscia: ab vrbe Roma centum miliaribus diffita. Munsterus lib. 2. summam loci elegantiam esse, studiis que alendis natura accommodam, ac ciues suauissimis moribus, maximâque humanitate præditos narrat. Iurisprudentia & Medicina præcipuè illic coluntur. Petrus Anchoranus testatur, quòd ipse anno Domini, 1387. à senatu Senensi euocatus, per triennium ibi decretales docuerit. Volateranus lib. 2 1. refert, quod Dinus sub Iohanne 2. Pon. (quum Eononiæ inuidia laboraret) Senas profectus sit, vbi tunc studia florere coeperunt, anno circiter 573. Floruerunt

Iurisp.
Medicina.

erunt hīc Abbas Panormitanus, Paulus Castrēsis, Bartholomæus Socinus, Philippus Decius, Hugo Senēsis, Augustinus Dathus, Philippus Philelphus, &c. Cardinalis Sarabellus varias hanc Vniuersitatem principio vexationes pertulisse scribit, ita vt orta sit rursus interierit, at tandem aliquando constitit. Long. 348. 18. lat. 42. 50. dist. 989.

Sequensana, siue Ciquensana in regno Castiliæ: de Hispan. 15.
qua nihil ampliùs adhuc apud authores scriptum reperio.

Syracusana apud Syculos, Gymnasium est & celeberrimum. Sicil. 4.
Vrbem maximam & pulcherrimam, florentissimamque veteres probant scriptores, vbi religiosissima, opulentissimaq; deorum templa, forum maximū, ornatissimum Prytaneum, amplissimam Curiam, & frequentissimum fuisse Gymnasium docet Cicero 6. contra Verrem. Hīc C. Cæsar Græcæ Latinæque linguæ Gymnasium, certamen, & exercitia instituisse legitur. Floruit hīc Archimedes insignis Mathematicus. Rhetorice primò hic mercede profitebatur Corax, qui Tyssiam habuit discipulum. Vnde quum versuti ambo dilemma inuicem retorquerent, exijt in vulgus κακὸν καὶ κακὸν ἀντιπαραστήσαντες *mali corui malum ouum*. Hīc etiam magnis, turbulentisq; tempestatibus, tempore hyberno Sol videtur, vt scribit Martius Aretius, & Iulius Solinus ait: *Dedalus Fabræ artis magister principem urbium Syracusas habet, in qua etiam cum hyberno conduntur serena, nullo non die Solest.* Hīc docuit Plato Philosophorum deus, vt refert Volateranus. Long. 40. 30. lat. 37. 30.

Taurinensis, Ptol. Augustæ Taurica; vulgò *Turyn*, Ital. 15.
in Lombardia: florentissima, quum Duces Allobrogum eam tenuerunt. Erasmus Roterodamus hīc Sacræ Theologiæ gradum accepit, & Theologiam professus

fessus est. Ciuitas hæc multis ornata est: vt Principis aula, summo regionis Senatu, titulo Archiepiscopali & alijs. Long. 30.32. lat. 43.40. dist. 977.

Germ. 18.

Treuerensis, vulgò **Tritre**, inter Germanicas vrbes vetustissima. Hanc Aeneas Siluius 150. annis dicit Roma antiquiorem. Urbem hanc dicitur condidisse Trebates princeps, à Semyramide expulsus de regno Babylonix. Hec propter varias mutationes & temporum iniuriam intercidisset, nisi prudentissimus Iohannes & Iacobus Archipræsules restaurassent. Constantinus ille Magnus, & Helena mater, nihil prætermisere ad hanc ornandam. Long. 26. lat. 49. 10. dist. 712.

Hisp 16.

Toletana, vulgò **Toledo**, in regno Castellæ: vbi Alphonsus 10. Hispaniarum rex 29. tabulas astronomicas fecit, circiter annum Domini, 1260. Est hic Episcopatus annui prouentus magni. Long. 9.4. lat. 39.55. dist. 774.

Gall. 16.
Iurisp.

Tolosana, vulgò **Tolous**, in Tolossa prouincia regni Gallix, vbi maximè floret Iurisprudencia quæ hîc traditur accuratissimè, ita vt qui paucos annos hîc studuerit, non posset non eruditissimus ad suos redire. Vetus hæc est Academia & celebris, quæ vt non diu post Parisiensem orta est, ita eisdem penè ornatur priuilegijs. Hîc Iurisconsulti tam diligenter suas prælectiones continuant, vt festis diebus (præter dominicos & qui B. Mariæ Virgini & Apostolis dicati sunt) vnum profitendi morem obseruent. Long. 17. lat. 43.32. dist. 586.

Germ. 19.

Tubingensis, vulgò **Tubinghe**, in ducatu Wittenbergensi, extructa anno Domini, 1447. ab Euerardo Comite Wittenbergensi, alijs, anno 1477. Vixerunt hîc Iohannes Naclerus, Cancellarius & præpositus Tubingæ, & Iohannes Reuclin, qui primus Hebræas & Græcas literas in Germaniam inuexisse creditur. Multum

tum valuit ad hanc Academiam promouendam consilium Willielmi Truchses vicarij Cæsareæ maiestatis in ducatu Wittenbergenfi. Long. 26.23, lat. 48.38. dist. 604.

Valentina, vulgo *Valence*, prope Rhodanum fl. in Hisp. 17. ducatu Allobrogum, qui nunc Sabaudium & Delphinatum complectitur. Anno Domini, 1470. multum floruit hæc Academia, clarissimosque in omni artium genere professores habuit. Volateranus testis est S. Vincentium Valentiæ (quæ Philosophiæ & sacre Theologiæ studijs clarissima vrbs erat) sacras literas publicè docuisse. Multæ præterea in Hispanijs Academiæ esse feruntur, vt Oscinensis, Siguntinensis, Pincianensis, Valisolitana, Vescana, &c. de quibus plura scribere supersedeo, quia parua est eorum in literis diuulgata notitia. Restat tantum de Valencia dicere, quod regni Metropolis est & Vniuersitas clarissima.

Vallisolitana, aliàs Pincienfis, vulgò *Malladulit*, in regno Castiliæ.

Cordubæ olim Mauri egregiam scholam cum instructa Bibliotheca habuerunt, vbi Arabicæ literæ tradebantur.

Venera, seu Venetiana, vulgò *Venice*, vrbs illustris, Ital. 16. & Paradyfus deliciarum appellatur. Sacram Theologiam, & reliquas liberales artes ex vrbe Roma, aliisque Italiae vrbibus maiores huc intulere, quas hætenus foeliciter & splendidè profitentur. Emanuel Chrysoloras Græcas literas introduxit. Est illis singularis quædam beneuolentia & mira comitas in exteros Christianos. Vrbs condita est anno Domini 460. ab Italis qui metu Attilæ fugierunt. Inde quasi ex equo Troiano plurimi doctissimi viri prodierunt. Hermolaus Barbarus, Guarinus Veronensis, Antonius Mancinellus, Iohannes

H I

Baptista

Baptista Egnatius, Cælius secundus, Petrus Bembus, Aldus Manutius, eiusque filius Paulus, &c. Bessarion Cardinalis, Patriarcha Constantinopolitanus Bibliothecam Græcam triginta millibus nummum aureorum emptam extruxit. Iohannes Baptista Egnatius scribit, quod is Romano filio librum reliquerit, in quo summa totius Imperij sociorum omnium foedera, hostium vires, rationes & concilia continerentur. Hunc nos inquit in Bibliotheca nostra tanquam thesaurum seruamus, quippe in quo multa de Venetis etiam nostris Imperator ipse disserat. Est certè Bibliotheca instructissima copiosissimaque, ex qua Leo 10. Pon. certos libros Græcorum depromi mandauit. Floruit etiam Iohannes Rauennas, quem Volateranus primum esse ait, qui eo tempore quo literæ reuixerunt, ludum in Italia aperiret, & Venetijs docuit. Antonius quoque Sabellicus in Ronoaltino Gymnasio sub Antonio Cornelio Gymnasiarcha se professum fatetur. A Carolo magno indultum est Venetis, vt proprijs legibus vterentur. Long. 34.0. lat. 45.0.

Germ. 10.

Viennensis, vulgò *Vienna*, in Pannonia superiori: Austriæ Metropolis. Fredericus 2. Rom. Imperator optimis artibus confirmatum atque fulcitum imperium Conrado filio relicturus, anno Domini, 1237. Viennensem Academiam ex Romana & Parisiorum Vniuersitate instituit. Quam deinde Rodolphus 4. Albertus 3. & Leopoldus duo fratres, in commodiorem locum, ad supremam vrbs Curiam transtulerunt, optimisque priuilegijs ornarunt. Duram hæc Turcæ obsidionem passa, anno Domini, 1529, non sine maximo omnium dolore euersa est. Sed Ferdinandus primus, eiusque filius Maximilianus 2. magnis sumptibus eam instaurarunt. Multa hinc memoria dignissima, immanis
Turcarum

Turcarum furor deleuit. longitudo 35.8. latitudo 98.22. dist. 924.

Visontina in Burgundia instituta ab Antonio Pero- Germ. 31.
notto Mechlinensi Archiepiscopo, qui eam continuo augere non desinit, ut docti inde prodeant viri, qui Christianam Rempub. promouere & propugnare possunt.

Wittenbergensis in Saxonia vulgò **Wittenberg**, Germ. 22.
in ducatu Saxonum. Hanc Fredericus primus Saxoniae dux elector, anno domini 1502. in Lipsensi & Tübingensi crexit, & alter Fredericus ita ornauit, ut ex frigida (teste Erasmo) celebris euaserit. lon. 30.30. lat. 51.50. dist. 657.

Sunt porro in Germania scholæ triuiales complures meritò recensendæ: ut in Hollandia, Dauentria, Goningia, Traiectum vulgò **Mastricht** Laufanna, Losen, Tigurum vulgò **Zurich**, Berna, Parthenopolis, Meidburg, Geneua, Altorphium, Frunsvicum, Neapolis, Casimeriana, Vlma & Augusta Sueuorum.

Habuit & Polonia Vratislauensem Academiam, quam Vladislai Vngariæ Bohemiæ Regis & Episcopi Vratislauensis opera atque auxilio erigere conabantur. Sed contra eam sic inualuerunt Cracouienses, quòd Iulius Pon. erigi non permisit.

Habet & Italia Academies seu scholas triuiales plures. Nec vlla ferè est in ea ciuitas insignis, quæ scholam triuialem non habet, in qua linguarum & humaniorum disciplinarum cognitio diligentissimè non tradatur: ut meritò dici posset parens & alumna literarum.

Sunt in Anglia Scholæ triuiales complures per singulas ciuitates & per singula ferè oppida: præcipuè autem illæ Aetonensis & Westmonasteriensis ab Henr. 6. Edwardo 4. & Elizabetha Principibus fundatæ, magnifica

nifica certè & verè regia illustrissimorum Principum
 summi amoris in bonas literas argumenta, & trophæa
 splendidissima, omni ævo celebranda. Sunt in princi-
 pe ciuitate Regia Londinensi, Paulina Coleti, & An-
 toniana illa. Est & Mercatorum Scifforum. Alia item
 apud Ecclesiam Christi, quarta Londinensium
 schola non vulgaris. Simul & Italica & Gal-
 lica linguæ professores sunt, qui tenellos
 Angliæ fructus ad Academiæ
 maturitatem capeffendam
 reddunt instru-
 ctiores.



IVRIS DIVINI

IVDÆORVM,

AC

IVRIS CIVILIS

ROMANORVM

PARALLELA;

SIVE

Vtriusque è suis vndequeque sedibus ad
verbum transcripti OCULARIS

COLLATIO:

AVTHORE

GVILIELMO VELVOD.



LVGDVNI BATAVORVM,
EX OFFICINA PLANTINIANA,
Apud Franciscum Raphelengium.

clo. lo. xciv.